


次貝治新書


六之七



漢書門			
二	一	〇	〇
冊	架	函	號

內閣文庫	
番號	漢 2420
冊數	20 (4)
函號	297 40

共廿





資治新書卷之六目次

文告部

較士一 考落生類

科舉部

較士二 考儒童類

論科考儒童

論各縣童生


宗覆試童生

訓士

申飭教條

愼交遊

崇經學



李少文

行各屬示

許青嶼

李少文

又諭

李少文

席竺來

論合屬儒童

闕名

王望如

李玄佩

務孝友

李玄佩

李玄佩

礪廉耻

李玄佩

張慶匪

斥排僞

張慶匪

禁社選

張廖匪

正文體

谷霖者

礪士

禁貼歌謠

李滄葦

署道十二禁之一

周樸園

約兵

禁約兵丁

秦瑞震

安民一

預安反賊類

曉諭在城官兵

王陽明

示諭從逆官兵

王陽明

安民二

調濟軍民類

告諭軍民

王陽明

諭軍民

文太青

招撫亂民

曉諭投誠人示

蔡勉吾

曉諭湖頭巢賊

王陽明

告諭頑民

招亂民復業

胡百殿

勸諭逃人

逃人示

周樸園

鹽禁一

革陋規類

通示各屬

張伯琦

鹽禁二

示湖廣地方

姜滙思

示江西地方

姜滙思

示高郵泰州

李望石

鹽禁三

禁填價類

示江廣地方

李潞陽

鹽禁四

諭安業類

諭商

胡道南

諭新商

胡道南

鹽禁五

禁占窩

均飭示

胡道南

均引示

胡道南

鹽禁六 保安負灶類

示各場

胡道南

救荒

賑粥示

張玉管

諭飢民

文太青

招撫流移示

文太青

禁閉糶

失名

庶務一 祈禱類

祈晴

秦瑞寰

祈雨

秦瑞寰

庶務二

勸諭修橋

林鐵崖

勸助修文昌樓

蔣楚珍

瘞棺骸示

秦瑞寰

募捕虎獵示

秦瑞寰

庶政三

禁借營債

林鐵崖

優恤舖行

林鐵崖

又


方璜麥

保募清產

吳曼殊

又

郝念祖



資治新書卷之六

湖上笠翁李 漁蒐輯

較士一考諸生類

科舉示

李少文

起于詞
大駭麗
補失文
告之休
則後段
魯策可
為作文
之法故
不忍棄

為決科事。照得呦鹿將磨。行衍嘉賓。於天府。離龍滿。擅特衰衆。妙於風簷。非有陽秋。足當月旦。但要知山下。或堪借擬。為過來。若果處囊中。吾得早占其脫。顏莫云。小戰實係先聲。為此示諭。三學生員。凡已經造册報名者。俱於二月初六日。五更齊集貢院。照府考舊規。儒巾青衫。止携筆墨水注。魚貫聽點。寅入酉出。務儘一日之力。而競打平日之奇角。戰塵爭恰。及三

資治新書卷六

沉着屬
快恂是
過來入
記

春之中而預展三秋之兆。但文心須肅，則急流慢
轉雖平穩而總遜風樞。文筆須真，則他肉裝身。卽
豐滿而全無血性。故凡從事場屋，必戒喧譁。兼防夾
帶諸士，同懷靜氣。並挾錦心，何必鯁鯁。慮此惟思，從
肅聚手，以真雄致。志操觚所長，畢盡異時。試兩闈試
大廷，總此二字，只爲進取真訣。非必繆恭本廳而姑
就此須臾之繩束也。相與漸深，言無膚飾。惟諸士體
之。

行各屬示

許青嶼

爲出巡事。照得石渠虎觀，聿開著作之庭。慈掄曲江，
蔚起修文之彥。星精旅於東井，風雅著於西京。矧

今天子棄矢右文之會，正爾秦士懷珍待聘之期。本
院攬轡省方，觀成切慮。博采風詩，爰歌駟鐵。湖湘中
泚載詠，伊人豈徒效雀舌於三春。索龍媒於六服，虛
負人倫之鑑。謬乘上國之聰，已哉。是以周章原隰，翹
首後賢。瞻念古今，庶幾且暮。惟爾秦士，捐鳴瑟擊缶
之習。崇奉璋璫，增之休後。情於白露蒼葭，琢磨增粹
柔志於車鄰駟阜，檠輶改觀。于以炳麟當代，迨武往
徽洵撫運之英華。經國之盛徵也。本院實揚衡望之
矣。爲此案仰云虛公較閱，毋潦率從事。毋瞻徇虛
聲，芟彼榛蕪。遴茲茂異，分別解院。以憑取裁，務返典
淳。用覘秋實，慎之慎之。

較士二 考童生類

論科考儒童

李少文

為科舉事。照得豫章素號多材。應童子試者以萬計。勢不能一場完局。而替考代筆者往往竄入其中。魚目淆珠。燕石混玉。殊可惋恨。本廳所取試卷。必一一磨對縣卷。如府卷與縣卷筆跡參差。即文如純錦。亦置不錄。至一應改名頂補。總屬弊端。即有愿頂者。亦須預稟該縣。換名造冊。如臨時執卷求更。或縣未取名。以白卷乞收考者。定行斥出。

又諭

為科舉事。照得典屈鹿鳴。士胥雀躍。子矜爭奮。而童

子科之待考較。思穎脫者。林林比比。人視諸生倍眾。等視諸生倍難。自非居肆澄觀。精心讐閱。而玉石鯉鯪。豈易品題。區別無相奪倫。况一路功名。從茲發軔。殿最前却。關係非輕。自非矢念虛公。破除情面。而孤寒。濩落。望文衡之門。如九天上者。何繇振拔。汚泥無階。自達本廳。鑑乏陽秋。勉承較士之委。滌慮從事。為此曉諭本府。合屬童生。務各安心肄業。停候考試。其較閱詮次。總出本廳。靜披公憤。務在字漁句獵。悉索無遺。誓不以欲速而抹。沉研之苦。誓不以貴少而塞。淹滯之途。誓不據舊案而轉。忽當場。誓不徇先容而反。遺真品。脂中摸索。惟文是求。格外摩挲。凡奇必錄。

斯言一出。天日為昭。爾等當益努力。殫燈窗之賜。殖
摘風暑之雄文。以副本廳相成至意。不然。平昔荒唐。
一朝中熱。張空拳以思白。戰挾鉛刀而與一割。恐本
廳不任欺。亦不任咎也。與其貽悔於怨。尤何若加功
於淬礪。其熟思之。

諭各縣童生

開封 太守 席竺來 諱 西人

照得本府性耽佳句。惜士如金。憐才若渴。誓不使明珠暗投。珊瑚抱泣。試卷中除抄舊文。寫別字不完篇。請客雷同。及蠅頭蚊脚字類。塗鴉者。槩置不錄。此外伊朝伊夕。顧百軸可懸國門。而鬱輪徒抱。採薪未逢。知闔應運絕少。非才之罪。抑時尙有待也。今茲代庖。

府象與觀歲試。昔人所謂辛苦之地。不易初心。正于此際。夫車音接响。池鐵奮飛。川可浮光。山能輝韞。苟裁篇摘句。盡入搜羅。如有白頭黃口。迷心不量。恣意胡纏。即將本童廢卷粘貼大門。與眾共耻。并提父師究懲。毋自貽悔。特示。

諭合屬儒童

照得本府濫竽三載。日與入發嗜奇好古之士。敦勵感應之理不移。豈遇合之途或塞。計今春所拔覆試之童。凡在十名內者。見遺曾無一二。爾等務竭心思。窮殫學力。三長互用。一日俱收。高者格力。意義出入。大家次亦遵式。經雅。毋為龐雜。毋為蹈襲。毋為庸腐。

雖一字一句之奇亦必流自胸中毋至陳陳紅朽本
府憐才心切誠不忍執我法為定衡拘一格以貶技
但使微長足錄決不以有類或遺至存牘紛紛鑽營
自昔本府冰鐵為腸硜硜矢誓斷不使貧寒阻抑筆
牘爭先其有胸無點墨未諳操刀貽羞曳白廉恥寡
鮮沿途叫號希圖纏擾徼倖者定行提究父師追求
主使依律重懲為此示諭八縣送考童生上守憲規
下安義命毋貽後惑又聞已經革黜冒名再考者不
少縱使鶚音懷我其如害馬無羣文字或可寬收德
行終為有玷察出并行申究不貸

示覆試諸生

王望如

為月課事照得本廳半世諸生廿載教讀佐理泉郡
日與諸生質疑辯難其素心也奈初人仕途簿書應
對既無劉穆之之兼材又多嵇中散之懶癖兼以目
疾頻發展卷模糊各學所呈諸課未及拂冗開封惟
晉童手遞課本約四百餘卷親行點次按其尤者四
十人將原卷發晉江縣與彙試諸童一體覆試作者
一日有短長闕者一日有敏鈍不辨之罪孰謂無之
不公之誚庶幾可免

訓士

申飭教條

江南李玄佩 諱嵩陽 封丘人 學憲

竊照我

國家定鼎六年培養士類意渥以周賓興迭舉於鄉
優免較隆於昔凡爲聖學之明晦係世運之平峻道
統托乎儒修文章卽以報國
朝廷之望士者重士亦何忍自處於薄也江南首應
龍飛三歌鳴鹿而上江士氣鍾海門天柱之雄引九
子齊雲之勝尤當毅然善變煥然易新豈猶因循故
習輕優其品詭飭其交上違 功令而自失羽儀哉
本院材原樛櫟承乏西臺數載今者典學之役復經
閣試操觚而得之是
上意不惟慎擇其人亦且於文加核矣本院之進磨
簡命不苟如此乃反苟於待士

大威咫尺敢隕越以滋戾耶用是下車之日卽與多
士約務使頽風一振黨塾重光勿謂宣布不蚤也所
有條例開列于左

務孝友

夫士未有根本不立而堪別語器識者自明季競尚
風流高言簡脫樂就稽阮之放軼迂視道學之牽繩
戕天性蕩行檢骨肉之間媮薄已甚澆漓禍國殷繁
匪遙今世趨漸返於淳諸士宜處心似厚但能力行
孝弟君陳之保釐張仲之燕喜皆
廟堂所樂得爲臣者也本院延佇俟之以備孝秀之
選

慎交遊

詩曰。他山之石。可以攻玉。易曰。比之匪人。不亦傷乎。言乎賢者為我助。不肖者為我累也。往昔大江南北。旗鼓相敵。聲氣相求。猶屬道德之交。鳴文章之互譽。議者尚或非之。近聞少年惡習。聚族呼儔。流連陸博之場。馳騁倡優之巷。以非笑異已為樂。以擊斷鄉曲為能。致揖讓不行於里閭。老成或受其詬。諄殺機所釀。召寇召賊。深可痛懲。自今各宜閉門。毋得仍以聚會為慧。義方可訓。難為師儒父兄寬也。

礪廉恥

夫上下相維。恃有等威。不替庠序者。等威之所出也。

席珍國寶。聲價重於連城。乃攘衽以來。子衿泮藻。榮不能博。負販編氓之一盼。豈時之能賤士哉。良由敗德自輕。蠅營狗苟。走利如鶩。輟詩書而躬為商賈之行。染指爭羶。酬杯酒而便效公廷之質。甚至結書吏為兄弟。聯傭保為宗親。清夜全迷。斯文掃地。興言及此。尚不自艾。而尤人乎。本院為

朝廷重名器。為諸士護體。統有一如此。定以劣論。

崇經學

兩浙文宗張蓼匪諱安茂華亭人

六經為聖人治世之書。顯而事功。微而心性。包藏涵泳。義盡三才。學庸語孟。宣六經以為言者也。今世制義。又代學庸語孟以為言。日取本源。討論之。惟恐莫

資治新書 卷六
一七
究。况。能。舍。源。而。竟。其。委。乎。乃。二。三。豎。子。一。經。未。達。卒。其。小。慧。以。掇。拾。而。致。科。名。逐。使。舉。世。捷。徑。相。徇。嘲。淹。貫。爲。無。當。何。怪。乎。以。雜。霸。奸。雄。之。氣。行。於。學。庸。語。孟。之。文。也。

與朝程式炳如日星自禮闈肇開冠冕天下者皆名儒老學是淹貫未當不售彼掇拾者未嘗不擯落也願諸士反而思之本道以古法衡文凡畔道離經槩置弗錄

斥排偶

夫四六之文起於晉魏盛於齊梁沿至隋唐浸淫無極昌黎起八代之衰歐曾繼廓清之烈後之學者始

知駢麗爲弱空澹爲高彼碑銘傳記尙不可以偶對溷其體傷其氣矧百世而下退肖聖賢之答問發仁義道德之旨乎當明季倡效六朝識者蚤知不振奈何鴻都初御旭日方升屢經部科糾正仍有奏魁魁之響於白晝光天者良可怪也如遇帝王則必用凝圖受篆玄扈嚳宮垂旒端冕等語遇事玃則必用鐘鼓馨香金書玉簡等語遇文學則必用翱翔菟苑休息聲施咀英茹華摘芳抉藻等語遇道德則必用圭璧瓊璜珎瑤繪袷等語遇民情則必用珮璲酒漿龔鼓軒舞等語以致名山風雨隨筆抄填馨澤良懷逢篇黜綴臭腐滿臆談者欲嘔本院鉛槧在手誓用

申韓之律。剪此蕪莠。直同四兕之誅也。

禁社選

明代相傳。止有墨牘房書之刻。起自嘉隆。是時文章之權歸於上。故風氣一而好尚同也。迨禎朝社刻紛爭。人標赤幟。作者有南轅北轍之異。倣者懷三頭六臂之思。始乃巨擘為之後。則妄庸接踵。逝波難挽。流弊至今。去歲奉內院題。參痛懲書肆。而梨棗之災未已。茲合移會下江。嚴行曉諭。除先朝五十大家明文合選。文定文待等書。有裨文教。許坊間重刻。廣布外。其餘一槩不准存留。蓋儒林矜式。部中自有頒行官本。非諸生所得定低昂也。如依舊抗違。選旨提究。

書賈一體論罪

正文體示

兩浙谷霖菴諱應奉文宗

照得兩浙人才淵藪。藝苑鄧林。本道以畿輔暨儒。幸操鉛槧。問奇茲土。凡轡龍繡虎之才。學海經笥之彥。已於科試時。悉窺涯涘。今當歲校。諸生載筆而前者。皆見放之士也。孤奇獨賞。諸生諒不因按劍而更絃。而壁壘從新。本道則望其加鞭而進步。偶因册定文。翼著有論文四則。出本道甘苦自得之言。亦諸生章。弦當佩之語。欲復古道。先洗時蹊。特為拈示。就正通。明雖蠡測管窺。大方所鄙。然多士虛懷。庶幾問途老。馬勿以常談忽之。



一文之於題猶射之有鵠也審鵠命矢往輒破的自邪說亂真野狐畔道往往題理則如此文辭則如彼名爲闡發經傳實則矛盾聖賢先儒註傳以翼經今人反驅經而從傳前輩有云讀講說不如讀傳註讀傳註不如讀白文諸生但取四子白文上下前後百番涵泳索理解於題中尋虛神於題外心適神迎使題意當前活現奮筆力追稍縱則逝矣此行文最要三昧不可不知

文之好

一鳧短鶴長行文貴有自然之節意爲斷續皆非妙徑每見試牘文往往冗長難置豈真人盡潘陸攻忠才多實綠作者胸中本無名理真詮可闡聖賢之心

者難於長篇詩句之絕句難於近體難於古風也難於古風也難於古風也

繡遂爲蔓詞浮調欲迷有司之耳目不解求工惟知溢幅連篇累牘望之疑有海江之才疊居重簷按之不中繩尺之用此語本無餘味故疊一語以見奇兩比乃是正裁忽衍三股以出勝意已盡而辭沓來無非蛇足轉太多而義彌晦滿口葛藤此等敷衍皆可不必在作者刺刺不休閱者已昏昏欲寐矣夫崑山凡玉桂林一校物惟矜貴美豈在多賣菜求益有識者當其鄙之

一時文爲初學津梁譬仙家之鉛汞善爲之則得魚忘筌不善爲之必刻刑求劍陳陳相因錮人神智不小夫事以創出見奇物以異常名寶天孫之織不乞

資治新書卷六

十

巧於齊統和露之羹。豈借腥於吳鱸。用所獨有。無能
不新。世有俗子。不解讀書。漫銷日月。賢者結聯。聲氣
重。繭而趨。其不肖者。廢著鬻財。牙籌弗釋。及聞較試。
張皇勦襲。楊史兩賢之稿。便是護身符。天下試牘之
書。取爲救荒穀。借時人之餘。洩爲試事之先。資千呖
一音。其不可聽。兩浙異才輩出。豈肯隨人踵立。有能
以巨掌。擘華裊。瓊繩蜀之智行之制。菘中者定將懸
格而待之。若端取惡。套竊掠時文。盪語者置諸下。馴
彼所自甘。其何惜之有。

一文章之道。明理爲宗。博學爲輔。六經理之源也。諸
史學之輔也。聖賢立言。雖在三代以上。本自囊括古
今。範圍治亂。邇來士子。藉口清空。掩其疎拙。一意數
轉。已是十行幾字。更移便成。兩股借上影。下本題之
位置。反作過文。避實擊虛。義理之根源。都爲剩語。鑄
局則於題外。強爲呼應。練股則於句末。自相卽離。此
等伎倆。正如倚門獻笑。令人不顧而唾。尤可鄙者。枯
木寒鴉。動曰先輩。自應爾爾。打油市譚。又曰趨時不
得不然。眼大於箕腹。空猶磬。夫談理必以經學爲歸。
論事則以史學爲要。育左腐遷。孰不可聽。我驅馳韓
契蘇髯。何一非供人點染。古人云。文章經國之大業。
不朽之盛事。本道拭目俟之。

礪士

禁帖歌謔

山西季滄葦 崑振直 巡按

為申飭事。照得本院經過道路。見士子稱頌縣令。遍貼歌謔。墨浪方新。紙箋甚麗。若欲使本院見者。心竊鄙之。做官優劣。上司自有定衡。豈職在激揚。甘同聾聵。便操評考。于附會之口。若論秀才本色。據梧長吟。則應目不窺園。研究經濟。則應留心當世。誼篤枌榆。則應痛陳疾苦。未聞有工於頌德稱功。而可為士子之姘修者。止因莨莠呈身。遂使甲椒減色。惡套陋風。合早嚴飭。此後倘有倭墨之吏。慮其覆收。偽開政績。囑託揄揚。雖多方巧飾。豈能欺本院之耳目。其穢劣青衿及劓劓人等。如有再刻前項歌謔榜貼。通衢者。

本院聞見所及。必定究其從來一體治罪。

署道十二禁之一

周櫟園

照得官品臧否。上臺自有公道。乃有等劣矜刁民逢迎。有司無端諛訟。有故保留。乃有司墮其雲霧。引為親嬖。因而關通賄賂。出入把持。辱士風而敗官箴。本司最所痛恨。及抵泉以來。遍衢紅帖。當署掛旗。更屬創聞。不勝駭愕。夫有司果賢。何必藉諛于此。輩使有司不肖。欲蓋彌張。况今日刻帖頌德之人。即日刻揭告欵之人。今日豎旗留官之人。即日懷磚擊官之人。不加嚴懲。何以示警。以前姑不深究。自示之後。如有仍前粘帖豎旗者。本司現帶學篆劣衿。立行黜

革刁民立犖重處。決不輕貸。

約兵

禁約事

秦瑞寰

朝廷一統天下。滿漢皆屬王臣。兵民豈容異視。本院前按兩浙。目擊兵丁暴橫。及縱容小廝。欺侮百姓。或行使假銀。搶奪貨物。或進店飲食。止還半價。或沿途捉人。挑送行李。米豆草料。或三五成羣。砍伐樹木。採摘蔬菜。掘毀筍竹。縛畜捕魚。或縱放馬匹。踐食稻麥。或擅入民家。勒索酒飯。或于鄉僻孤村。強姦強劫。或在稠結開市。淘摸剪絡。甚而借吃烟。戲良家婦女。扼死其夫。竄資囊。白晝搶奪。併傷其命。邀劫肩負之米。

使合家老幼絕糧。楚搶祭饗品物。致百姓祖宗乏祀。放債則入兩當十。取利則每月加二。利上盤利。害及親朋。動輒行兇。鎖弔拳打脚踢。刀背皮鞭。血淋漓而怒猶不息。人昏仆而尚曰詐欺。地方不敢言。傍人不致勸。飲屈吞聲。匪朝伊夕。今本院重來。茲士席尙未溫。業見某旗兵丁劉世英。毆死陸文正。某旗兵丁王四十二。殺死任大德。尙有未見未知者。不知凡幾。所幸固山額真楊初臨省會。卽悉民艱。嚴禁兵丁。揭示明切。以上種種過惡。諒無敢再犯。而干紀律者矣。但本院深慮爾等愚民。無知不體。固山德意。及本院直賜爾等反欲抑兵。或價買物件。而故稱白取。或物值

已對而故言虧本或出銀僱倩故不聽從或銀入錢
二故不肯搭或無侵損而駕言受虧或不暴橫而誣
稱毆打或細故儘可容忍而故意扯結叫喊若有一
于此本院極極之性斷不徇徇定從公審究重處如
果兵丁不知省改猶肆兇惡情理難堪犯干衆怒者
不論是何營標許地方里甲協拿解院查訊得實治
以軍法本管道坐決不輕貸

署道十二禁之一

周櫟園

本司察得泉郡各項舖行皆係兵丁把持蓋始則舖
戶藉兵丁之威繼則兵丁擅舖戶之利終則利盡歸
于兵丁害獨歸于舖戶深爲民厲殊可髮指爾兵以

前獲利已多本司亦不追究今後各安營伍留此一
碗薄粥養我病弊子民無再扼其喉而奪之食也

安民一預安反側類

曉諭在城官兵

王陽明

照得寧王造謀作亂神人共憤法所必誅在城宗支
郡王儀賓皆被逼協如鍾寧王無罪削爵建安王父
子俱死軍民人等或覆宗滅族或蕩家傾產或勒取
子女皆恨入骨髓敢怒而不敢言今日之事豈其本
心今本院仰仗朝廷威靈調集兩廣并本省狼達漢
土官兵二十餘萬即日臨城無非因民之怨惟首惡
是問告示至日宗支郡王儀賓各閉門自保商賈買

賣如故軍民棄甲投戈。各歸生理。無得驚疑。該府內臣校尉把守人員。開門出首。或反兵助順。擒斬首惡。一體奏聞陞賞。其有懷奸稔惡。從逆不悛者。必殺不赦。凡我良善軍民。即便去惡從善。毋陷族滅。故示。

示諭從逆官員

照得寧王悖逆天道。造謀作亂。殺戮大臣。都布按三司官員。各悚於暴虐。保其妻子。以致臨難之際。不能自擇。或俛首幽囚。或甘心降伏。貪生畏死。反面事仇。春秋之義。雖嚴於無將之誅。而志圖興復者。尚不忍于峻絕。探得各官現今在城。閉門自訟者有之。臨城巡關者有之。出入府庫。運籌畫策者有之。此皆大義

未分。孤立無助。揆之法理。固不容誅。推之人情。實爲可憫。卽令本院統集。狼達漢土官軍二十餘萬。後先臨城。各官果能去逆歸順。尚可轉禍爲福。故今特遣牌諭兵臨之日。仰各開門出首。仍一面將本院發去告示。給散張貼。撫諭良善百姓。宗支儀賓人等。各開門自保。毋輕出街市。橫遭殺戮。該府把守內臣校尉人等。亦各諭以大義。俾知背逆向順。尚可免死。投甲釋戈。蓬頭面縛。候本際臨審定。尊敢有從惡不悛。執迷不悟。拒敵官兵者。必殺無赦。仍具改正緣由。親齎投首。以憑施行。

安民二 調劑軍民類

本欲安民反作愛護兵丁譏然字字是諷之使歸林之使去乃楚歌之變調也民是苦

告諭軍民

告諭軍民人等爾等困苦已極本院才短智窮坐視而不能救徒含羞負愧言之實切痛心今京邊官軍驅馳道路萬里遠來者無他皆為朝廷之事拋父母棄妻子被風霜冒寒暑顛頭道路經年不得一顧其家其為疾苦殆有不忍言者豈其心之樂居于此哉况南方卑濕之地尤非北人所宜今春氣漸動瘴疫將興久客思歸情懷益有不堪爾等居民念自己不得安寧之苦即須念諸官軍久離鄉土拋棄家室之苦務敦主客之情勿懷怨恨之意諒事寧之後凡遭兵困之人民朝廷必有優恤今軍馬塞城有司供應

心

日不暇給一應爭鬪等項詞訟俱宜含忍止息勿輒告擾各安受爾命寧爾心本院心有餘而力不足聊布此苦切之情于爾百姓其各體悉無怨

諭軍民

文大青

照得洛邑鼎建大藩永作南國良翰其隨封軍校亦將千百年世為洛人矣洛人即爾輩親隣自同一體勿作胡越相看爾輩即我赤子本縣又安忍另著一眼乎各宜恪守法紀爾輩雖係藩人而道府彈壓于茲有司者為天子守土政令之所出也即藩人得以三尺問其不法者其或有詞到官自是秉公剖訊固不肯厚民薄軍亦不肯呵軍苦民也凡我洛民亦宜

知軍校卽爾輩親隣務相睦好毋干刑憲。

招撫亂民

曉諭投誠人示

蔡魁吾

照得誅逆撫順王法所以無私使過錄功至仁由來無外我本朝以寬大治天下以信義治人民亦既昭如日月矣今據吉安府詳送投誠人某到部院除准無錄用外第查某某發難之由皆因爭田小忿負屈稱戈今既洗非悔過所當嘉與維新誠恐愚民有懷舊隙希圖報復而地方官不體恩赦槩行准理拘提鞫審以致撫民心懷疑貳進退無依甚非本部院推心置腹之意爾百姓不思某未向化時與爾等

為仇敵今既歸順則與爾等共為良善矣爾等不能報之于為逆之時反欲報之于歸順之後乎為此合行曉諭凡某從前作事一槩不許告許有司不得准理敢有挾私警控者許該衙門將原告解究至其原隨黨與速當翻然來歸願入伍者發營食糧願歸耕者悉准回農蓋以其首倡之人且蒙獎賞汝輩協從可無矜宥慎毋疑畏怙終再走錯路示到速宜急投勿貽後悔。

曉諭涇頭巢賊

江西南陽明 諱守仁 巡撫

本院巡撫是方專以弭盜安民為職蒞任之始卽聞爾等積年流劫鄉村殺害良善民之被害來告者月

本欲示
振以威
却借脅
從引入
反揭出
一片婆
心此仁
人之術
也文心
巧絕

無虛日本欲即調大兵勦除爾等隨往福建督征漳
寇意待回軍之日勦蕩巢穴後因漳寇既平紐驗斬
獲功次七千六百有餘審知當時倡惡之賊不過四
五十人黨惡之徒不過四千之眾其餘多係一時被
脅不覺慘然與哀因念爾等巢穴之內亦豈無脅從
之人况聞爾等亦多大家子弟其間固有識達事勢
頗知義理者自吾至此未嘗遣一人撫諭爾等豈可
遽爾與師剪滅是亦近于不教而殺異日吾終有憾
於心故今特遣人告諭爾等勿自謂兵力之強更有
兵力強者勿自謂巢穴之險更有巢穴險者今皆悉
已誅滅無存爾等豈不聞見夫人情之所共恥者莫

過于身破盜賊之名人心之所共憤者莫甚於身遭
初掠之苦今使有人罵爾等為盜賊爾必拂然而怒
爾等豈可心惡其名而身陷其實又使有人焚爾室
廬切爾財貨掠爾妻女爾必懷恨切骨寧死必報爾
等以是加人人其有不怨者乎人同此心爾寧獨不
知乃必欲為此其間想亦有不得已者或是為官府
所迫或是為大戶所侵一時錯起念頭誤入其中後
遂不敢出此等苦情亦甚可憫然亦皆由爾等悔悟
不切爾等當初去從賊時乃是生人尋死路尚且要
去便去今欲改行從善明是死人求生路乃反不敢
何也若爾等肯如當初去從賊時拚死出來求要改

資治新書
行從善我官府豈有必要殺汝之理爾等久習惡毒
忍於殺人心多猜疑豈知我上人之心無故殺一雞
犬尚且不忍況于人命關天若輕易殺之冥冥之中
斷有還報殃禍及於子孫何苦而必欲爲此我每爲
爾等思念及此輒至於終夜不能安寢亦無非欲爲
爾等尋一生路惟是爾等冥頑不化然後不得已而
興兵此則非我殺之乃天殺之也今謂我全無殺爾
之心亦是誰爾若謂我必欲殺爾又非吾之本心爾
等今雖從惡其始同是朝廷赤子譬如一父母同
生十子八人爲善二人爲逆要害八人父母之心須
除去二人然後八人得以安生均之爲子父母之心

非欲偏殺二子不得已也吾於爾等亦如此若此二
子者一旦悔惡遷善號泣投誠爲父母者亦必哀憫
而收之何者不忍殺其子者乃父母之本心也今得
遂其本心何喜何幸如之吾於爾等亦正如此聞爾
等辛苦爲賊所得苦亦不多其間尚有衣食不充者
何不以爾爲賊之勤苦精力而用之於耕農運之於
商賈可以坐致富饒而安享逸樂放心縱意遊觀城
市之中優游田野之內豈如今日擔驚受怕出則畏
官避仇人則防誅懼勦潛形遁跡憂苦終身卒之身
滅家破妻子戮辱亦有何好爾等好自思量若能聽
吾言改行從善吾卽視爾爲良民撫爾如赤子更不

追咎爾等既往之罪。如葉芳梅南春玉受謝玉張賓王輩。吾今與良民一體看待。爾等豈不聞知。爾等若云習性已成。勢難更改。亦由爾等任意為之。吾南調兩廣之狼達。西調湖湘之土兵。親率數萬大軍。圍爾巢穴。一年不盡。至于兩年。兩年不盡。至于三年。爾之財力有限。吾之兵餉無窮。爾等縱為有翼之虎。諒不能逃于天地之外。嗚呼。吾豈好殺爾等哉。祇因爾等必欲害吾良民。使吾民寒無衣。餓無食。居無廬。耕無牛。父母死亡。妻子離散。吾欲使吾民避爾。則田業被爾等所侵奪。已無可避之地。欲使吾民賄爾。則家資為爾等所擄掠。已無可賄之財。就使爾等今謂我謀

死歸不
忍殺妙
絕

亦必須盡殺爾等。而後可。吾今特遣人撫諭。爾等賜爾等牛酒銀錢布疋。與爾妻子。其餘人多。不能遍及。各與曉諭。一道。爾等好自為謀。吾言已無不盡。吾心已無不盡。如此。而爾等不聽。非我負爾。乃爾負我。我則可以無憾矣。嗚呼。民吾同胞。爾等皆吾赤子。吾終不能撫恤爾等。而至于殺爾。痛哉。痛哉。與言至此。不覺淚下。

告諭頑民

告諭安仁餘干東鄉等縣父老子弟。自本院始至江西。即聞三縣間有頑梗背化之民數千家。其時本院方事勦平閩廣湖柳諸蠻寇。且所治止于南贛政教

頑民非
難勦之
賊計滅
宸濠之
後又非

兵力不足之時
觀其反覆勸諭
不忍加兵此陽
明先生之不可
及也

先于可喜以平
其心是

有所未及自去歲征討逆藩朝廷復有兼撫是方之
命。隨因聖駕南巡。奔走道路。故亦未遑經理。今復還
省城。備詢三司府縣各官。及遠近士夫軍民。皆謂爾
民梗化日久。積惡深重。已在必誅無赦。夫朝廷威令
雷厲風行于九夷八蠻之外。而中土郡縣之民。乃敢
悖抗若此。不有誅滅以示懲戒。亦將何以爲國。欲即
發兵勦捕。顧其間尙多良善。恐致玉石無辨。且前此
有司所以處之。亦有未善。何者。安仁餘千里分。本少
於東鄉。而地勢又限以山谷。顧乃割小益大。以啓爾
民規避之端。其失一矣。既而兩邑之民。徭賦不平。爭
訟競起。其時若盡改復舊。亦有何益。顧又使其近東

勸人良法

鄉者歸安仁。近安仁者附東鄉。以說爾民。分爭之謗
其失二矣。及爾等抗拒之迹。既成尙當體恤。爾等中
間或有難忍之怨。居抑不平之情。亦須爲之申泄。以
理或懲或戒。使兩得其平。若終難化人者。即宜斷正
以國法。顧乃憚於身任於勞。一切惟事姑息。欲逃租
賦。遂從而免其租賦。欲逃遺債。遂從而貸其遺債。於
彼則務隱忍之政。而聽其外附于此。又信一偏之詞
而責其來歸。紀綱不立。冠履倒置。長奸縱惡。日增月
熾。以成爾民背叛之罪。而陷之必死之地。其失三矣。
然爾等罪惡。皆在本院未臨之前。自本院撫臨以來。
尙未曾有一言開諭。爾等况查本院新行十家牌諭

資治新書卷六

三

以弭盜息訟勸善糾惡而各該縣官又因爾等恃頑梗化昔未曾編查曉諭爾等皆未知悉其間或有悔創自新之願亦未可知若遠行擒勦是亦不教而殺雖爾等在前之惡受此亦不為過然於吾心終有所未盡也近日撫州同知陸俸來稟爾等尚有可憫之情各懷求生之願故特委同知陸俸親齎本院告諭往諭爾等父老子弟因而查照本院十家牌式通行編排曉諭使各民互相勸戒糾察痛懲已往之惡其為維新之民爾等父老子弟其間知識明達者盡亦深思熟慮之世豈有不納糧不當差與官府相對昔抗而可以長久無事終免於誅戮者乎世豈有恃頑

反覆只
令自揣
深得以
人治人
之法

樹黨結怨構讐結眾拒捕不伏其辜而可以長久無事終免于誅戮者乎就使爾等各有所子弟奴僕與爾抗拒昔逆若此爾等當何以處之夫寧王宸濠挾奸雄之資藉宗室之勢謀為不軌積十餘年誘聚海內巨寇猾賊動以萬計奮其財力甲兵之強自以為無敵于天下矣一旦爾亂舉事本院奉朝廷威令與一旅之師不旬日而破滅之如擄匹雛爾輩縱頑梗強悍自視以為孰與宸濠吾若聲汝之罪不過令一偏裨領眾數百立臺粉爾輩如几上肉耳顧念爾等皆吾赤子其始本無背叛之謀止因規利爭忿肆惡長好日迷日陷遂至于此夫父母之于子豈有必欲殺

資治新書卷六

三

之心唯其悖逆亂常之甚將至於覆宗滅戶不得已
而後置之法苟有改化之機父母之心又未嘗不欲
生全之也前此官府免爾租稅蠲爾債負除爾罪名
而遂謂爾可以安居復業是終非所以生汝吾今則
不然不免爾租賦不蠲爾債負不除爾罪名爾能聽
吾言改惡從善唯免爾一死限爾一月之內釋怨解
讐逃稅者輸其賦負債者償其值有罪者伏其辜吾
則待爾如故爾不聽吾言任爾輩自爲之吾心既無
不盡吾可以無憾矣爾後無悔

招亂民復業

爲廣開歸正之門以招亂民復業事照得樹嘉穀者

興泉胡貞巖諱昇猷
兵憲大與人

必。勦。非。種。安。良。民。者。必。滅。異。類。今。查。各。屬。日。城。郭。之。
下。逼。地。綠。林。倚。山。作。窟。者。自。恃。爲。負。嵎。之。虎。視。海。如。
歸。者。動。思。爲。狎。浪。之。鯨。不。思。自。大。兵。撲。勦。以。來。頭。顱。
山。積。血。湧。成。渠。爲。虎。爲。鯨。者。求。爲。腐。鼠。枯。魚。而。不。可。
得。前。車。屢。覆。後。轍。相。仍。爾。輩。豈。真。鐵。石。爲。腸。絕。無。噬。
臍。之。念。者。哉。總。以。心。懷。疑。畏。向。善。無。門。非。慮。官。長。之。
不。容。卽。恐。讐。家。之。報。復。求。爲。良。民。而。不。得。勢。必。以。盜。
賊。終。其。身。耳。今。本。道。蒞。任。方。新。事。事。與。民。更。始。因。念。
今。日。之。盜。卽。往。日。之。民。焉。知。來。日。之。民。非。卽。今。日。之。
盜。耶。以。生。來。非。盜。之。民。與。可。以。爲。民。之。盜。不。思。勸。諭。
招。徠。必。欲。置。之。死。地。好。生。之。義。謂。何。而。必。爲。此。殘。忍。

刻薄之事哉。所以下車之始。卽刊示遍貼。與爾等卽
日來歸。活得一條性命。就如拾得一件珍寶。何等快
樂。誰料爾等恃頑如故。絕不體本道好生之心。必欲
破本道嗜殺之戒。昨已會兵驅勦。生擒賊首王貴王
欽楊總仔等。立行梟示。可見本道前日之勸諭。原非
不善用兵。而故以招徠。藏拙乃有殺賊之能。而不忍
驟用者也。今渠魁既經殲滅。何必更究齊從。故特再
申前諭。以某月某日爲始。某月某日爲止。凡有從前
作賊。悔過投誠者。自具改邪歸正甘結一紙。或願入
伍。或願歸農。或赴該府縣呈明。或竟赴本道衙門投
遞。悉從爾等自便。卽口安插。斷不苛求。仍移會各衙

門。凡有警家告害爾等者。槩不准理。倘能引導官兵
擒獲賊首。又當破格獎賞。不在尋常歸化之例。倘過
期不投。仍前負固者。則有王貴王欽楊總仔之律例。
在本道反低眉爲怒目。欲彼時於刀下留人。恐不可
得也。特示。

勸諭逃人

逃人示

青州 周據園 諱亮工 巡憲 河南人

爲遵奉新例。曉諭逃人。自行出首。百姓出首。逃人各
全身家事。照得逃人之害。各屬無地無之。無歲無之。
受害不止一人一家已也。本道下車之始。深知此害。
業已遍行諄示。爲地方除害。無奈各屬未盡思慮。預

防以致逃人未完之害從無虛日本道細爲諮訪其故有二縣境寥濶有司不能善行保甲或行之不力者或荒村僻落或深山幽谷挨查未及以致容留此其受害者一又或逃人原係本地之人或逃來年久之人有室有家傭工耕種地方隣佑群居日久往來情熟貪圖酒食或因久不追緝知之未真不敢輕報或以報官之後不肖有司卽僉鄉民起解貽累不堪情願大家朦混或一經首發又慮豪橫逃人誣指某人欠我錢債我有何物寄囤某家官又不能折之以理代爲索償役又利於有事擇人而食甚至唆扳方便之家拴同串詐大家烹分以致鄉民怕事不敢惹

火燒身寧可吞聲受苦此其受害者二直至事敗之後拘拿起解妻啼子哭家破人離此時捨地呼天百方求免如此森嚴之功令誰敢一毫遺漏解到督捕衙門逃人不過鞭刺窩主新創責四十板面上刺字并家產發八旗下窮丁雨隣十家長該管地方其房地入官妻子家產一併流徙拋離墳墓妻孥凍餒永無回日不死不休止以平日失於稽查出首以致舉家遭害如此爾民業已習見習聞絕不回頭捫心思忖而畢竟以身家殉之何其愚昧至此極也且逃人害窩主一家雨隣十家長地方又其四家卽窩主甘於窩逃或利逃人在

家可幫耕種。或利逃人作伴。以免孤單。或原係親族
逃回。親情族誼。不能割絕。或係親支骨血。方以逃回
爲快。不忍出首解回。而此兩鄰十家長地方。有何利
益。有何閥切。有何情面。亦不查不首。自送身家。本道
殊不能爲之解也。况今奉有新法。如窩主出首者。不
惟本身一毫無事。而兩鄰十家長地方。亦全然無事。
如窩主不自行出首。傍人出首者。將窩主家產。分爲
三分。內以一分給與出首之人。如兩鄰十家長地方
出首者。止將逃人窩主解部。出首之人。並不超解。一
毫無事。保全身家妻子。永爲田里之人。歲時伏臘。不
惟骨肉團圓。而祖宗一脈。不致流離異地。出首之利。

與不出首之害。頭如黑白。出首則可得生。不出首則
死亡立致。止在一念間。爾民何不亟亟求生。全求利
益。而甘於送妻孥。送身家。卽一身不知利害。當與父
子兄弟謀之。卽一家不知利害。當與隣佑鄉黨商之。
凡有地方十家長之責任者。當共圖生全。共計安穩。
萬毋希圖苟免。如飲鴆服毒。卽發有遲速。斷不能久
安無害也。至於逃人。當思旣在旗下。業爲

朝廷之人。當圖報効。以求出身。卽或一念之差。逃
在外。業奉新例。逃人自行出首。我主回來者。免鞭免
刺。卽窩主亦行免究。不惟逃人斷該自首。以免貽害。
卽窩主亦應力勸逃人出首。大家盡得生全。相勸逃

人如今

旨意這樣嚴。將來必差官當拿你。你難道躲得一世不成。他當初留你也是好意。你却總成他做了富家。爲你一個人連累他一家。連累兩隣。連累十家長。連累地方。連累縣官府官。又連累本道。你也拿出良心來。不如早早自首。你想好好一個臉皮。刺了幾個字在上面。毋論無面目。見人難道這臉皮不是父母生的。辱親虧體。莫此爲甚。你今自首。既免了枷子。又免了刺字。又免了累人累官。有甚麼不好。你若肯自首。我喜歡你。不累民。不累官。又不累我。你到縣中報知縣。申送你到道。我面賞一疋紅掛在你身上。顯你是

個好人。再賞五兩銀子做路費。差人送你到京。何等榮耀。若執迷不省。我生百十樣方法。畢竟拿出你來。不怕走上天去。本道朝夕籌踏。爲爾民計。爲逃人自計。無踰於此。今力行保甲。逐戶挨查。卽欲隱匿。勢已不能。如不出首。法應照例問罪。然一經發覺。本道卽欲爲爾民求寬。斷無此法。不得不先期諄諄曉諭。自示之後。爾民刻刻思量。見一個生面之人。就要盤算一番。時時稽察。刻刻警心。如慮本處官役不能免累。徑赴本道稟首。本道力爲爾民除害保全。斷不令爾費一文。斷不令爾有後患。各宜猛省。以副本道細細剖示之意。

鹽禁一 革陋規類

通示各屬

兩淮鹽院張伯珩陽城人

為嚴革陋規。以肅鹺政事。照得本院持斧視鹺。期於上裕國課。下甦商民。非端本則不能率屬。非執法則無以格奸。近訪得兩淮商心。順逆不一。綱鹽壅障甚多。雖係積弊。因循率由。奸胥朦官。蔑法通同。奸商私相授受。夾帶鹽斤。毫無顧忌。以致俸寶叢生。課額拖欠。若事犯本院之手。持三尺法繩之。不知何處是其生路也。擬合先行嚴禁。為此示仰按屬地方官吏。及南北綱食各商知悉。自後如有指稱請票呈綱。所江掣費小委掣費。并關橋使費。炭火等項。各色私索。

諸商縱令夾帶者。許諸色人等。許告到院。定將銀胥役處死。夾帶奸商。依律問罪。如官吏入囊。併從重參拿。決不姑貸。本院志在澄清。言出如山。爾等各宜恪遵。毋致噬臍。

鹽禁二 禁私販類

示湖廣地方

姜滙思

為嚴禁私販。以肅鹽政事。照得湖廣一省。自永衡寶三府。改食廣鹽。其十二府一州。舊額派行大引鹽四十二萬七千五百引。本朝欽定部引。剖一為二。例應行鹽八十五萬五千引。雖湖南等府正在用兵。然用兵等府。關係兩淮鹽。

二語切
中膏育
非飲上
池水者
不能道

課者止長沙辰州常德三府靖州一州其九府雖戶口難比疇昔亦不應如節年小引僅以三十餘萬計者且強梁私販連艘巨艘捆載萬億鹽斤而去者大約以湖廣為歸市使戶口凋傷鹽無食指何以私販行而官課絀耶總因地方官司蔑視國憲以鹽法為可有可無之政以本院為不痛不癢之官當緝斧暫俟尤無顧忌坐使國家大業官課纔行五分之一而私販實奪五分之四營頭兵將如虎負嵎巡緝官役如鼠出穴兼之不肖官司仰承鼻息方且奉行私鹽代為市鬻有引官商守株延俟不免刁蹬法紀蕩然後將何極本院凜奉嚴行緝捕防杜亂萌不

公不法即行糾舉之。

勅諭凡所轄行鹽道府州縣等官各宜仰遵功令

改絃易轍以圖自新合行嚴飭為此示仰云云凡營

頭將卒糧座兵船敢有指稱兵餉等鹽倚恃大小衙

門牌票仍前販鬻者即行擒拿報院以憑飛章奏究

如因循不行覺察依阿不能主持通行賣法本院即

以養奸亂政遵照

勅諭就便拿問決不姑狗毋悔。

示江西地方

為嚴飭私販以肅鹽政事照得江西一省除南贛吉

三府分食廣鹽廣信一府隸用浙鹽其餘九府舊額

資治新書卷六

七

派行大引鹽一十七萬引。今經制剖一為二。例應行鹽三十四萬引。自大兵大災。人民凋瘵。本院已牌行道府確覈戶口實數。要使鹽法定畫一之耗。然引鹽課緝實私販亂之非盡由戶口之凋耗也。本院凜奉勅諭。博採利弊。按查江省輿圖四達。向慮閩廣浙鹽旁侵疆界。今時大蠹。惟在營將鎮兵以米豆為由。糧船官座以收攬為事。闖越關津。道避市賈。淮蘆等鹽總入私橐。不可窮極。兼之江湖不逞。山野亡命。大柄小。載橫溢肆出。小民惟利是視。往往睚眦私鹽。城社之憑。依既固。狡徑之透。入更岐。侵課蝕商。大干法紀。合應嚴飭。為此云云。凡水內兩商交易官鹽。有引票

可查有口岸可考。有水程可數。日而計。如附近勢豪多方撓越。井上下大小衙門。營頭官兵。及過往船隻。張膽販賣。恣不畏死。即行警拿。報院以憑飛章奏究。如不行覺察。依阿賣法者。之以養奸亂政。遵照勅諭。就便拿問。決不姑狗。毋悔。

示高郵泰州

兩淮鹽院李望石 諱贊元 山東人

為嚴稽官引以屏私販事。照得築鹽出場。無論官私。勢必抵壩。往例州官鈐印限單。所以稽察公私也。向來法制廢弛。官吏悉以故套相視。一稱商鹽。便不復問。或轉售糧座。或私托營兵。北渡泗州。南侵江廣。為害不小。又有串棍影借商名。假托商親。照商春細。在

三弊最難稽核

壩上發賣賣完復春春完役賣名曰串兒鹽遇商趕運之日則售商開橋封閉之日則售私捕役往問則日某商某店真假一時莫辨更有實係真商大船裝載引單兩無捕快不敢過問任其重複行私官役惟知講明常例改算陋規並不問其引單何處以致公私混淆與販縱橫積弊相延已非一日屢經申飭未見遵行不過以貧難醜販細事解報塞責即獲一巨販又通同將人賣放鹽分數起假以獲鹽未獲人為詞種種弊端深可痛恨合行曉諭為此示仰高郵秦州官役各商知悉嗣後各商人場網鹽務遵功令功令不許鹽引相離放壩官役凡有鹽船必驗明官

引然後印給照單如無引單兩據非串棍影射即奸商重複當時封拏人鹽屋飛報院如容隱不舉或經本院察訪或被別衙門巡役拏報官役商棍一併拏決不輕宥

鹽禁三禁抑價類

示江廣地方

兩淮李潞陽高陽人

照得淮商之困敝殆有不忍言者也。歷苦明季套徵守侯五六載筋力俱枯方得掣運終苦于左兵焚劫數百萬課本一旦填于逝波茲存在垣殘鹽商販一線僅繫于此前經封貯沒官克餉商盡星散本院客秋蒞淮百計招徠不避禍患屢疏請留幸繳

俞旨還商。其納課配引。又重費數番。費本。今始轉運。照例派銷。江廣口岸。而新鹽亦脚尾而至。且江廣久苦淡食。思淮鹽顆粒。不啻如珠。豈從前好頑。尙敢循習。以成刁風。操把持。而倡禁價不知。

新令森嚴。阻撓鹽政。卽虧損國課。是先自蹈死法矣。除牌行該道訪拿外。擬合嚴禁。爲此示仰軍民人等知悉。各商載鹽。負千萬重。資冒數千里風波之險。來濟爾等淡食。價值自當聽其隨時平賣。倘有恣不畏死之徒。再肆刁難。抑阻。及借紳衿公舉。限定賣價若干。不惟有虧商本。而額課亦因之縮少。許受害各商。將奸黨姓名。飛馳報院。以憑叅處拿問。按新法究

擬

鹽禁四論安業類

論商

胡道南

照得本院放告。爾商紛紛具控。頻呼消乏。情詞迫切。本院不忍終讀。因念昔年趨之若鶩。今乃畏之如火。此豈爾商甘心棄業。其中實有所不得已也。倘本院盡去消窩。則國課何賴。如必令行鹽者代贖。毋論一時已甚。不堪至再。且使貧者貧而富者俱貧。斯亦不終日之計也。至于議令僉報。誠非得已。又恐舉之不當。反滋紛更。卽公議僉同。亦應具題。覆允庶幾施行無過。幸此番振舉。有機在本院所可自信。以取

信爾商者不過此綢繆撫恤之寸心至真至確斷不托之空言爾爾商姑爲守業俟本院言之而不能行之而不得當積壅如前夙弊不改然後額請未遲爲此示仰衆商知悉爾等各安本計暫忍一時不必紛紛呈擾卽僉報認窩自應次第舉行斷不置爾等于膜外也。

諭新商

爲曉諭事照得僉補新商原與舉報富戶不同富戶恐爲人物色慮其魚肉僉報新商上則有益國課下則有利身家如差徭繁多既膺新商則一切可以蠲免黷詐多端既膺新商則有司不便苛求甚且官優

以禮貌人尊爲老成出入自由頗加隆遇使爾等別計經營則日事危險雖覓蠅頭微利終爲僥倖卽碌碌庄田終歲辛艱所獲有幾豈能如轉運不竭揚帆江廣獲利數倍試看舊商如林何人不從此起家何事不緣此保護寧獨爾等卽爲苦累今既經僉定正宜踴躍急公安心輸運乃紛紛告擾希圖倖脫不知僉補事小違

旨罪大何其愚而無知一至此也合行曉諭爲此示仰新商知悉凡冊報互異如有一人而名號並列同居而父子兄弟俱載併夙昔富饒今已凋落及現充衙役難以承認者本院逐一確訪另行改正此外真

正殷實。託故推諉。如鑽營情面。說合招搖。與市棍把持。而駕害商綱者。一經訪聞。本院立等提拏。除重責柳示。外。仍以阻撓鹽政。據實題參。各宜自省。毋貽後悔。

鹽禁五 禁占窩占引類

均窩示

如若探湯。今如逐血治效之神速。如此招徠培養之方。

為嚴禁奸商射利占窩。以清鹽政事。照得兩淮鹽繁不可枚舉。本院力行釐剔。漸可挽回。昔年承引。若手之探湯者。茲且如蠅之逐血矣。利之所在。固不足為爾商責。惟是占窩一節。已經告諭再三。爾商恬不知改。乃有一引不。行囤窩數十間。或行鹽數百。認引幾

計可少哉

倍取非其有。借此居奇。一時良商行鹽。反至無窩可給。奸徒固引。任其勒價。而沽如此射利營私。深可痛恨。云云。為此示諭各商。爾等可將行鹽數目。互相稽察。如有借名行鹽。收囤鹽窩。即行首報。定將所囤之窩。全給所首之人。或通同謀估。一槩按律治罪。仍將鹽數報部充餉。若頓改前非。自行出首。除免罪外。仍量給買窩價值。分撥有力行鹽之家。如仍前勒索。私相授受。本院訪聞。立刻拿鎖。柳責不貸。

均引示

照得各商預納銀兩。其見踴躍急公然。納數浮于額外。懸窩既盡。又復增行。雖為利一時。而貽累他日。故



歸網庚子二項。本院力行停止。仍作附銷。無非為爾商計將來也。但輸納各商。俱照本窩認納。派單支引。而嗣納者。皆無窩可給。昔苦引多。今患窩少。不獲已。惟有分派一法。庶可均行。除一二首先倡義者。准其全筭。此外照各商原稟。輸納若干。定以六分作正引。四分作雜項。哀多益寡。彼此稱平。至于虛補未納者。定限三日全完。如逾限不納。盡聽納過者請單。不許借名虛估。除牌行運道公派外。爾商即遵照所派均行。蓋前日之困大小各商。既為同困。則此日之利大小各商亦應並利。本院區畫至公。毋得紊擾。取究特示。

鹽禁六 保費貧窮類

示各場

李潞陽

照得安東分司所屬十場。自悝藩踞淮。擅改鹽場。草蕩屯田。致兵丁與總竈雜處。踐踏魚肉。百計欺凌。生當末季。飲恨吞聲。莫敢誰何。茲

清朝鼎革。藩鎮已裁。官兵盡撤。本院督鹽兩淮。嘉惠撫恤。惟有勸勉各竈。乘時煎辦。近訪得尚有無賴兵丁。假防守為名。仍復潛擾各場。以朝不謀夕之窮竈。何堪狼吞棍徒。每一戶。供養一二人。割肉餉虎。終成大害。除行淮海道查處外。合行曉諭。為此示仰各場總催竈戶人等知悉。凡有駐防兵丁。必有一定汎地。倘有再踵前習。徑至各家棲宿。及索飲食供養者。本

竈記其姓名。并何營官兵。密稟場官。轉報分司。擒拿
徑處。如敢抗法。卽多差人役。鎖解本院。按以軍法。捆
打。情節再重。卽移會督撫。梟斬。決不饒恕。

救荒

賑粥示

蘇州張玉筍

諱國維
東陽人

照得自夏以來。霖雨連綿。二麥泥腐。米價騰貴。貧民
饑餒。道路呻吟。本院目擊心慘。已經出示勸諭。素封
好義者。罄廩出糶外。遠近村落貧民。竈冷廚冰者。深
爲可憫。爲此除本院捐俸發縣。設粥賑濟外。合行給
示曉諭。爲此示仰遠近軍民人等知悉。俱赴各州縣
設粥處所。聽候給賑。以濟饑餒。毋得攙前越後。滋擾

不便。

諭饑民

文太青

諭饑民本縣所給皮衣八十餘領。出本道本府德意。
其輕賄并鬻換酒食者。逐斥不許入廠。

招撫流移示

縣內逃民一百四十七戶。以官錢私債逼迫。故本縣
下車未踰月。而挾其妻子來歸者。十有三戶。豈非以
本縣爲能勞。來安集之耶。如孫一增。孫一峨等。復業
而奸民有霸占其業。不與致使抱牘辯控。本縣大有
鴻雁黃鳥之感。有仍前霸占。及以官錢私債逼使失
所者。從重究本縣卽無能爲小民。修安堵異政。此等

情狀定不難爲爾等主持。

禁閉糶

失名

照得台州四塞之區。豐歲粟不能出。歉歲粟不能入。即使五風十雨。猶然九室十空。兼之無千金萬金之家。無斯倉斯箱之積。一遇災荒。唯憑賑恤。如去歲火災。瓦礫未掃。今年水滂。漂蕩忘歸。六屬瀕海。依山貧民。一無所瞻。目今米價高騰。商賈稀少。本府隨時問價。觸目驚心。爲此行文各縣。除設法濟荒外。凡在城在鄉富便之家。蓄積米穀。願念梓鄉。好行陰德。盡行將所積稻穀。出糶召買。毋爲恡惜長價。希圖牟利。福澤所貽。必有陰報。俟米價既平。家給獎勸。如高價閉糶。坐擲素封。希圖來春覓利者。告發究處不貸。

庶務一祈禱類

祈晴

秦瑞寰

爲祈晴事。照得插蒔屆期。商羊爲虐。麥秋值候。化蝶可虞。本院日斷靈霖。愍昊天之一不弔。心同芒刺。傷下民之共咨。合行虔禱。以祈晴霽。爲此示仰文武官員。軍民人等。知悉。本院于六月初一日起。秉誠齋戒。親率官民。赴城隍廟。致虔祈禱。務期修省人事。感格天心。馭轉羲輪。鞭回陽石。爾官民俱各一體齋戒。致誠仍嚴禁屠沽。毋得故違。取究未便。

禱雨

爲禱雨事。照得浙省連歲兇荒。民生凋瘵。今夏商羊肆虐。徂秋又旱。魃爲災。若此雨暘罔順。詎非居民土者失職之咎歟。本院與諸司既未能盡人事以副天心。庸可不省躬而弭天變。本院率先齋戒。及行布政司督同僚屬祈禱外。合行曉諭。爲此示仰合屬官吏軍民人等知悉。務各齋戒修省。停止屠沽。共竭精誠。感格天心。甘霖速霑。毋得視爲故套。特示。

庶務二 勸募糶

勸諭修橋

嶺南 守憲 林鐵崖 諱洞環

爲捐募修橋事。照得遇仙橋之設。歷代有廢有興。察則庸吏因循。所致其興。皆賢刺史興之也。然既稱賢

刺史。必不能囊有餘金。又不能役鬼工。而運神斧。則竹木斤削之資。不得不呼紳士父老共擎。而後興之也。夫爲庵刹浮圖者。或捨宅或捐錢。居者不德。施者不慳。無他以爲福田。在斯吾自下種耳。然竟有種百千萬緡。而身不受絲粟之穫者矣。今東郭西村。共限帶水舟人。操一葉艤。待滿而發。脰與水齊。截風亂流。人命懸絲。或春夏溪漲。舟子停棹。則販夫傭兒。相守枵餓。而城中萬戶。至累日望西河。莖茹如珠。無橋之病。一至於此。然則有能共成盛事。興其所廢者。福田直百千庵刹浮圖哉。本道閱韶府橋志。惟符公諱錫者。修法極緻。今將祖其舊制。云云。其費昔時物力。煩

盛用金四百。今當倍之。本道自節腹減膳。僅能捐俸。若干。日來兵興。民散。訟庭走雀。又生平心。慈筆軟不。募人束矢之金。抑窮果有命制之歟。兩年積累其半。以修學宮。其半貯以待斯舉。此外則望凡有趾有踵之倫。必渡斯水者。各發善心。隨力投櫃。貧者分銖可出。不必怯少。素封之家。肯十金以外樂助者。准具名親報。俟落成日。本道另行獎謝。異時以川爲地。舍舟而徒。車馬駢駟。士女雅雅。庶不使罷官鼓吻。甘人而符公嚙。噓笑我也。本道故疾首感額而言之。特論。

勸助修文昌樓

蔣楚珍

照得台才奇古隱秀。蔚若鄧林。本年並嘆芙蓉。人遭

按劍豈戰之罪。亦災之由。本府權於理數。天人之故。受事一日。卽躬爲料理。勸建文昌閣。務期星催雲集。不致或懈。顧自上臺捐助。及本府縣設處外。尙祈縉紳同袍子衿。顧惜文風。共成美舉。各捐所有。庶幾盡竹頭本屑之功。可奏神運鬼輪之力。爲此仰本府儒學官吏。限本月寫完憲簿。上緊誦吉。上梁。勿得延緩。

瘞棺骸示

秦瑞寰

爲收瘞無主棺骸。以廣惠澤。事據生員張文嘉陳善言等呈。舉悲智義社。瘞埋無主屍棺。情詞到院。據此爲照安葬。定限清律所嚴掩。略埋。壽仁政首。及是以西伯溥枯骸之澤。昌黎著旅櫬之文。至今傳之甚盛。

德也。武林五方雜處，往往貧民病故，始無棺槨，繼無葬埋，以致暴露荒郊，心傷類泚。今紳衿士民，舉行悲智大社，病濟以藥，死捨以棺，復又建置義塚，骨塔安掩，無主樞骸，誠屬義舉。本院已經助貲鼓勵外，惟是杭城風俗，各山多有權厝寄塲之事，年深日久，或以無力，或以故絕，遂致棄露狼籍，行道悽愴，深可悲憫。合行給示禁約，爲此示諭士民人等知悉。嗣後凡各處義塚、城墻、河灘、廢寺空地，諸所有暴露屍骸，俱聽隨便燒埋。其屋厝寄塲棺槨，若係完好者，安置勿動。如年遠無人祭奠，卽年近而棺已破散者，必係無主之屍，卽爲收瘞義塚，以慰泉壤，不許塲戶留難取究。仍于塲處標識，并置簿登記，明白恐復有親故跟尋，便于稽考。其向來漏澤義塚，原屬官地，通着查出，如有奸民侵佔漁利，許指實呈首，有司清查追究，俱無違玩。

募捕虎獵戶

爲嚴督捕虎，以安民業事。照得省城郭外山谷叢深，向來未聞虎患。茲當秋成之際，猛虎肆虐，出沒無常，人民多被傷戕，牲畜悉遭吞噬。此雖人禍，實屬天災。記云：苛政猛于虎。爲民上者可無惕然于中乎。頃據城西柵外上扇，定北等圖居民情詞投訴前來。除經批發杭州府傳集獵戶，赴院親訊聽候撥發標兵協

資治新書
同擒捕外。合行給示曉諭。爲此示仰獵戶。居民人等。知悉。如有替力勇敢之人。能合力擒捕猛虎者。無論網羅機穽。務趁秋深草木凋落之時。設法捕捉。獲得一虎。解官驗明。賞銀二十兩。如獵戶偷閑怠玩。定行拏解究比。斷不輕貸。

庶政

禁借營債

嶺南
守憲 林鐵岩 諱嗣環 晉江人

照得自雄來者。皆口口稱雄民。爲營債所苦。至於妻女鬻質言之。髮指本道。獨以爲罪在民。不在兵。夫兵債之數日而利倍。再數日而再倍。又數日而三倍也。此其毒如烏喙。長葛然。烏喙長葛。足以死人人知之。

而不敢服。故人之死於烏喙長葛者。極少。其以烏喙長葛死者。則皆其明知而故服之者也。烏喙長葛何罪哉。不責服烏喙長葛之人。而咎天之生此物。以毒人也。豈理也哉。今兵債雖狠。豈能執途之人而強之。以借乎。既已借矣。而至期不還。又安能責此輩。以馮驩焚券之事乎。爲此示諭軍民人等。凡有狠心蕩子。再與營兵揭貸者。是名以妻子爲奇貨。是明明欲作亡八也。該府察出重責。枷示其爲兵民居間者。是明以人之妻子爲自己甜餌之媒。當以掠賣人口之罪。罪之登時杖死。然後申報夫兵亦人也。亦有妻子也。何苦以有限之利息。犯此深重之罪。劫哉。特示。

謾罵處
更見婆
心

優恤舖行

蘇州倪伯屏長諱長珣
司李

照得各舖戶舖行供應上司公用支給年終類算減
半給價時或錢糧匱缺又復捱至次年積漸滋深終
成烏有舉筆僉票痛癢無關見單取物時刻不緩徒
知左手右手之便不知一髮一膚之痛官票終年掛
壁獐書怒目在門取之無禁查如逝水之波怒而不
言忍抱經心之疚年終歲暮鼠何公庭今日求銷丐
算明日立領開單然望望而前吏亦不第算亦不清
清亦不給給亦不完年復一年取復加取至於陞遷
交代積紙如山徒塵案牘雖供億日繁為炊無米歷
例相沿爾各行亦急公奉義視為固然然牟利幾何

一塵莫保本廳念此痛心已經數月今代庖縣事誠
恐憲節按臨上司公用朝需暮給取辦無窮自今痛
除前弊每三月季終算清給價庶母子可以相生雖
刀不致失本立為定規甦商恤市至於屬官務須炤
價現給一如民間交易官箴所係尤宜避嫌為此示
仰各舖遵守

保墓清產

徽州吳曼殊諱晉昌
太守

照得江南處士程邃修名堅節卻聘辭徵者三十年
品藻詞翰並貴于世既以史雲之貧維摩之病兼以
流離四方不苟且於富貴不炫美于鄉里其原籍歙
縣托山家多落魄之人所有高曾祖墓數處屢遭族

資治通鑑卷六十一
人。潛移妄發。借名遷葬。盜賣祀田。盜砍蔭木。甚欲撥
祖賣地。種種悖逆。喪心造毒。已干天殃。主其事者。蒙
禍最烈。死不知悔者。可憫而難與救。藥道不能行者。
勸善而反招怨。尤本府忝有徐孺之知。豈不當崇其
錫類之護。古人為柳下墓。禁載在簡編。處士有祖法。
宜兼重。既為地方隱德。人才且見。村落虎。馮縱橫。武
斷跳梁。挾分之蠹。傾陷人家子弟。使上世之骨。每淪
于暴露。下流之輩。日墮於喪亡大惡。當除豈終漏網。
本府采訪既真。即合付之于法。處士反為解免。姑從
曲宥。為此曉諭。仰其同堂叔誠基。秦基。二生率同鄉
保里冊。勒石永禁。凡已墓未墓墳山。不得仍前奇貨。

再有無賴。挾分犯前項不道者。許誠。秦。二生。家屬。喊
府除將作亂子弟。申以不孝之罪。外仍將中牙及守
山人等。重責枷示。不饒其一。應失業田宅。風水祖父
戶口老冊。可稽着該冊。追查三十年。上下本戶。未經
開分之物。何人白占。何年。何人。出筆。何人。代買。
何人居間。一一據實。曉諭清復。如有隱匿。及負固。藐
視者。許處士家屬。程元。稟府。并拏冊里。一千。嚴究。不
貸。此係本府法外。施仁為爾族。合門保命。脈為爾族。
無知老少。免刑措為爾族。據業豪富。惜身家。爾族不
少端。良各宜自愛。思之慎之。

又

方璜 諱起渭 湖廣人

照得江南處士程邃護墓清業本府正堂示已詳悉凡民有胸有心誰不知遊義理本廳復三申之仰誠基秦基二生為之誨誘周處改過立成大賢人人可躋曾閔西伯感化立崇仁讓入人可期虞芮子孫保祖非一人之事異謀側目豈無悔心之萌其失業諸產兄賣弟存此天下定理據業之家毋得自欺自誤速宜清吐不許朋謀負固以干法紀着冊里按三十年上下父祖戶口細查本戶山園田宅稅糧何年月日中人一切情蔽逐項開報火速清楚如復視布衣如名如草芥官府法律如弁毛卽行拿來重究不貸

又

郝惟訓字念祖北直人

王西樵
考功魯
言居今
行古如
程處士
穆情其
庶幾矣
余觀三
示嘆真
有知人
之明

照得江南程處士邃保墓清業本府堂示已悉本廳深傷處士純以仁義為兵甲生平多自苦之行其一念故鄉先世不能混俗取容本廳重為勸飭護祖墓子孫之事不可假借清遺產子孫之分不容支吾掘墓者理有必不得之真數據業者勢有必不得之便宜今而後誰好為犯祖者之羽翼誰好為吞業者之爪牙誠基秦基自當分司其責里冊清查火速開報如有受業單靠奸中公產僅憑私筆卽係來歷不明偷來之物本廳示之實勘之一經執法不少苟縱為非之人何有族義不論名分遠近一體齊之以法各宜自擇毋貽噬臍

卷六

哥

資治新書卷之七日次

條議部

議積貯

重積貯議

議城守

編籍壯丁議

議保甲團練

弭盜安民議

議海防

答海防問

議海禁

責成防官議

阮霞嶼

修城貯糧議

蔣楚珍

王蘭垓

胡貞崖

蔣楚珍

保邦十策之一

蔣楚珍

蔣楚珍

弭變救時四款之一

蔣楚珍

資治新書 卷七月

文光堂

Vertical columns of text, likely bleed-through from the reverse side of the page.

勦賊

勦山寇議

洪谷一

議鹽法

絕私販議

胡若海

吉安食鹽議

趙韞退

議詞訟

清理積案議

紀子湘

慎初招嚴覆審議

方與上

詳免提解議

洪谷一

議里役

汰冗役以甦里甲議

毛南薰

議荒政

救荒三十策之七

屠赤水

議民風

禁溺女典婦議

嵇爾遐

禁役保兼充議

嵇爾遐

清禁主僕議

金長真



資治新書卷之七

湖上笠翁李

漁菟輯

積貯

議重積貯

金華 司理 阮霞 嶼 四川元聲

積貯為城守第一務。各縣漫不經心。自來重庫輕倉。以致日侵月耗。近見倉穀俱被倉吏倉書庫吏庫書。借承賣承買之人。詭捏花名。乘推陳出新之際。公然侵用。一遇察盤。指少為多。堆壓倉口。封銀在庫。權抵一時。又用車袋借穀。壘積如山。事已仍還。借至額中之物。尚然鼠雀為羣。况望其額外陳陳。如所云捐助輸納。設法以實其中者乎。合當以後銀兩俱責令買穀上倉。不許包封抵塞。其歷年經承侵食。務須追出。

不許以人亡事遠爲辭。又本官任內積穀亦宜年年買補。不許臨時以庫銀點鬼去任。以紙贖爲災。庶幾兵荒無恐。而出納亦嘗平矣。

議修城貯糧

台州蔣楚珍諱鳴玉 司李

爲城垣是處當修倉穀令人駭異事。職蒙委察盤溫屬如平陽城外。眉畫兩山。東西二翼。去城僅百餘步。近因剗削磴巖。俯瞰城中。指數足踢。具有可虞。瑞安山峙水環。頗稱雄壯。然飛雲渡澗五六里。洪潮洞湧。城下賊帆一刻可到。對岸盡經燒燬未復。且犁船船少。破壞儘多。大鳥中鳥小鳥之類。駕運多不過二十餘名。少不過十二三名。一遇有事。兩船併一。修船添

卒。此地當先。樂清縣館頭最爲要領。燒燬之餘。沿岸宜立墩堡。城墻經兩倒塌。器械年深不堪。高不能二丈。四山列座雲端。二水浸滌薄堞。上可投石。低可灌入。凡此所當議修。議築。議造船。添守者。然猶曰。增所本無。錢糧匱乏。勢難驟舉。至如倉穀以備軍荒。入議積貯第一。此陳陳在內。明明在冊之物。因所本有。非覈所本無。而大有可駭。職從未察盤。一見驚異。伏思月侵歲耗。雖積漸所成。而已往可追。將來必戒。若不仰憑斧斷。何繇一斬乾沒之葛藤。立破侵漁之衣鉢也。如先年那借。今年那借。既習慣爲嘗。而先招追補。今招追補。歷五六察未見一升一合。然則補于何日。

無心琢
句而筆
花爛然
此情至
文隨之

追于何年察之何益盤之何事乎經承點鬼一半皆
云物化回文登答動稱到骨難追然則死者既無嗣
息生者豈無家產往者既逝流難問來者又何為前
車不戒乎除倉吏年年消耗外穀價之在庫者庫吏
又食之穀價之承買者穀戶又食之或虧折化為烏
有或饑荒盡捏放支職在瑞安縣兩日現追張饒等
一十八兩還官縣此推之非盡死者不可求生者不
可問出者官聽之自出入者官不能勒之使入也一
則重庫輕倉終歲未嘗過問一則倉官猫鼠同眠倉
吏兔狐共穴舊穀既糶則此粟如雪花盡散于空中
新穀發買則此銀如落葉難歸于枝上不曰今年價

驗也

貴則曰明年賠償其實具呈遞領之日已立心升介
不義而察盤問罪一逼之後百事開多方掩飾不
至于一粒無存不止者竊以為當開銷者明白開銷
當申說者明白申說當減豁者明白減豁至于當追
補者積至幾百幾千幾萬之多曾無一黍一勺一升
之補壯哉鼠雀豈遜虎狼苟年年追足些須亦可積
成什百即使萬萬不可窮究亦當嚴立憲禁從此斷
絕將來庫吏書倉吏倉書承賣承買之人一切借
支耗沒庶軍荒有備晏海無虞矣

城守

編籍壯丁

資台斤書卷七

金華 王蘭垓 諱 常 熟 人
太守

三

看得警報一傳。便議城守。按聚計人在省城以數千計。在各縣亦以千百計。若取之於兵。而兵數無多。且各兵方將振甲胄以待勤援。安能供站城之用耶。則斷應借力民丁。俾人自為守。若非蚤為編派。欲號召於臨時。不惟渙散難齊。亦且倉皇失措。又官府編派。往往舍巨族而問貧民。夫貧民孑然一身。何須護衛。所應護衛者。正為有身家者言耳。乃富人不自為衛。欲使貧人為富人衛。其可乎。則不論貧富。相應照戶一體均派。惟是屬之於官。則小民間之。易於驚駭。且候黠候查。就廢生業。殊為未便。此事必請鄉紳任之。每縣幾門。每門幾坊。各坊中有鄉紳。則鄉紳董其事。

無鄉紳即孝廉貢監青衿擇一人為領袖。集諸約保開報。每坊壯丁若干名。登記簿籍。送之於官。有警則按册按名。一呼可集。而城守不患無人矣。

保甲團練

弭盜安民議

與泉 兵憲 胡貞巖 諱昇猷 大典人

看得立保甲設團練。此弭盜安民之首務。古人言之甚詳。即今人行之亦未為簡畧。而卒屬紙上虛文。不能收其實效者。非古人立法之不善。祇以有司厭常喜異。預視為塵飯土羹。知其無益而勉強為之。如小兒喜食餅餌而便投藥餌。雖入咽喉難歸。腠理反不若哇而出之之為愈也。今欲反虛文為實事。令有司

今人通
病此良
法美政
之不行
于上也

余久持此論以告當事未嘗能德之者

真切奉行。非示以簡便易行之法。與朝試夕驗之功。彼未易中心誠服。始終為之而不倦也。何謂簡便易行之法。曰在用人。力行四字。加之意而已。朝試夕驗之功。即在用人。力行之內。未有用得其人行之果力。而功效不立見者。即力行二字。亦即在用人之內。未有用得其人而行之不力者。保有保長。甲有甲長。鄉有鄉長。即挑選團練之中。亦有團頭練長。往時皆以市井無賴。及鄉民之豪猾者充之。此輩利于有事。不利于無事。且素以疾貧忌富為心。惟恐盜賊之不來。富室貴財之不盡。尚肯出其死力而為損已利人之事乎。用此輩以靖地方。猶之招虎狼以自衛。列七首

生之言。不意其嚴先生已及見之。讀此不勝智愚同心之感。

而防奸者矣。竊謂十人之長。必須才過九人。始無約束不齊之患。故非才德兼優者。不足以當茲選。又須擇其身家稍裕者充之。何也。身家稍裕。則利害切膚。衛人即以自衛。衛人或不忠自衛。決無不力者。因民之所急而急之。故為力不勞而取效甚速。所以用人。人力行四字。為保甲團練喫緊關頭。慎此則撥亂為治。忽此則反治為亂。所謂差之毫釐。失之千里者是也。泉屬為濱海之區。鄭賊招亡納叛。不遺餘力。他郡從逆者。尚有跋山涉水之艱。未成先敗之慮。此則舉足一跨。便是賊踪。伸手一招。即來狂焰。是人人可以為賊。而戶戶可以藏奸者也。若不急籌良策。以善其

資治通鑑卷七

五

後則官斯土者能保一日無事乎。本道視事之初。極目殘疆。見此鳩形鵠面之民。真有鄭圖所不能繪。而賈疏所不及陳者。因思安民之策。莫先于弭盜弭盜之方。莫善于嚴保甲。飭團練。遂以用人力行四字。先試于城內關廂。約行保甲。爲之既驗。始復由近而遠。今晉南二縣行團練之法于各鄉。又爲之既驗。始復條分縷析。約法六款。刊布各屬。責其次第。舉行因思練總之設。其來舊矣。祇因日久。弊生。此輩竊威玩法。誣害良民。因革去練總名色。恪遵總督部院之示。但從而擴充之。着落現年里役。暨通都士民。各舉一人。必素所信服者。以充鄉長。督率本鄉之壯丁。各置器

所云不
變者非
邪。
從來大
有爲之
人皆能

械家演而戶習之。非其人則斥去弗用。仍坐妄舉者以罪。苟勝其任。則令有司優以禮數。免其徭役。使有感恩圖報之心。如是者數月。漸有徵效。可觀。不特家嚴戶飭。舍奸宄無處潛跡。卽遇海氛告警。亦自覺其可防可禦。近日鄉勇之中。有能偵探賊踪。以報官者。有能嚮導官兵。以勦賊者。間亦有能張疑設伏。自擒數賊解官。欲自顯其尺寸之長。見上人選舉之不謬者。較前日聞呼不應。督救不前。反若有幸災樂禍之色者。不大相徑庭哉。此非本道于古法之外。別有創建。亦非于憲臺鈞令之外。另有設施。不過率由舊章。得其要領而已。倘各屬有司。從此益加勸勉。似亦有

行所無
事之人
觀此益
覺

利無害。若能点化膺眼。杜萌蘖于將來。是伏。憲臺不
怒之威。使魑魅暗戢于雷霆。而雨雪潛消于睥睨也。
海外一二遊魂。行將不撲自滅。又何難莫億萬生靈
于衽席之上哉。謹呈原行練團事宜。仰瀆憲聽。倘有
萬一之可採。則乞廣飭泉屬諸司。戒勿始勒終怠。酌
一定格。註入考成。俾本道一片苦心。得歸于究竟之
地。更乞通行福興漳各道。交相為理。與泉屬呼吸相
通。共敦唇齒之義。此亦下游難民。望治之一端也。伏
乞憲裁。

海防

答防海問

蔣楚珍

伏蒙垂念地方。面諭海上。頗有聲息。此游魂殺孽。波
濤竊發之嘗事。本月漁船俱出。追趕打票。月盡漁船
漸返。颶浪將起。賊亦遁逃。無煩懸念。至在我自治之
道。步步當緊着。宜先誠有如意慮所及者。仰體盛
心。輒自忘其愚陋。謹以目前海務切要者言之。言不
盡意。畧備芻蕘。今台州將領。動稱信濶。兵稀。救援莫
及。然則七百里海面。必如擺邊守架。而後可以為固
乎。此不通大較之論也。竊以為道當扼要。其省力簡
備之法。第一當看風之南北。如大汛多南風。小汛多
北風。南風不必備南。北風不必備北。備北則順風。以
南為援。備南則順風。以北為繼。之類是也。次辨水之

淺深如深水港則入非深水港則不入某處是塗某處是磯幾處五六月最深幾處九十月漸涸之類是也次觀潮之逆順如一潮半潮兩潮之別及有風無潮有潮無風皆不能行之類是也又次問陸之通塞如陸可登則犯陸不可登則不犯可登之處有人家則來無人家則不來之類是也數者既明則力不分而備不多美有程而定有約矣猶或慮其不足則聯絡漁船長設法鼓舞以壯我之聲援如前以漁船爲餌後以漁船爲殿或稅其漁船爲用或倩其人以駕或立長分艚編成保甲或凌波出海四散招搖給以旌旗付之鼓銃不必出力閉爭亦可張疑設伏不

惟壯觀增勢亦可杜絕通洋猶或慮其登犯則約束鄉兵協力依法操練以斷賊之近岸兩汛之時意主千勦則毋務張皇必須四處匿形暗伏以待其來兩汛之前兩汛之後意主于守則毋盡撤防必須近處輪操贊候以虞其至所謂有事於外不可不內嚴城與所口與陸之備有事于內不可不外嚴大堠小堠遠墩近墩之防此虞其不虞意所不意尤近時賊智之同然在我前車之明鑑也分艚之不如合艚一也合爲一艚不如合爲數艚又一也合爲數艚以擴外險不如守近險以外險若圖鬼魅近險若圖牛馬的實不可欺又一也守近洋一處之險不如樹疑于東

搜襲于西將適于此必取于彼往來無定自我易形
又于也其間最要緊者兵數不可不足火器不可不
熟氣候不可不占瓜探不可不廣此皆事事現成法
法具備惟人不從實做止圖虛應故事以致卒然遇
變無所爲圖然此猶水面上事成功不易立脚亦難
至於衛所之城墻倒塌一遇上司經過將亂石堆積
以掩耳目則修城不可不急也舊時軍足爲守世職
亦多長進除台州衛運糧罷做而外各衛所食糧諸
軍俱當按籍清出不許出城離堠隱占名色則屯軍
不可不清也海門險在江口磯頭現有小堡止有土
墻虛飾若鏡據險內瞰豈不可虞其餘各處亦有岨

險近城墻致全壞灌莽荆棘者則舊堡不可不立也
嚴十家牌申明運坐之條出首之令稽察出入杜絕
酒米什物入海通洋務要真匪實犯則接濟又不可
不絕也設衛以衛府縣設衛兵以衛一郡民生若使
賊不登犯便爲無事豈必爭命洪濤立功水上則防
陸路塞隘徑尤不可不視爲要着也凡此猶就台州
一處言之耳統其大勢温州爲來路寧波爲熟路台
區爲要路溫衝最矣當以台爲之肩背則責在洋遊
洋遊爲台亦爲溫也台患次矣當以寧波爲之唇齒
則勢在桃健桃健爲台亦爲寧也温州有能戰之人
難在駕馭非待之以誠懾之以智則力不爲我用台

州無能戰之人。堪戰之船。難在修舉。非搜集武勇。揀選世職。使貪使過。作養人才。寥寥數輩。庸有濟乎。總之海上為用兵之地。兵可不用。斷不可以兵為諱。除道府叅遊而下。各廳各縣。誰非料理兵事之人。苟以簿書為得意。以安攘為迂圖。人不關心。夫誰問及。今一洪波數千里。所恃以不揚不震者。惟老大人目營意匠。思慮預防之心。屬在下僚。並當仰體。卽線力薄材不足分猷。其念自己地方。自己身家性命。何可以無事為優游。以先事為急遽乎。

保邦十策之一

浙海之患倭什一。患賊什九也。浙海之禦倭有成法。

禦賊無成法也。占風望雲。隨潮避浪。定南北。控舉洋偵。大汛小汛。議分船合船。或憑船力。或憑火力。福蒼鐵。號東鳥之類。大碩小碩。礮狼機百子銃之類。大率因倭為勢。隨地制宜。其法主于治外。而今則所患率賊。賊非倭比。出入無常期。往來無定局。聚散無成形。早暮無定刻。所驅者卽內地之人。所奪者卽內地之船。所過者卽內地之信。所取盈接濟者卽內地之酒米。奔突搶掠。或在汛前。或在汛後。或因漁熟。打浦打票。或因穀熟。搶穀歸船。我去賊來。我來賊去。我出汛。匿影潛踪。我撤汛。東趨西犯。陡然相遇。往往闕潮逆風。我勢不利。孤船單舸。四應實難。故動有差池。策無

全勝。夫盜賊何常之有。前賊甫平。後賊又起。凶年饑歲。父子兄弟之相招。此出彼沒。左右隣封之流聚。居今而籌善後之宜。防陸者必于海。防海者必于外海。其說是矣。固處處有險。節節宜防。兵稀信濶。安所得樓船橫海。入蜃市而蕩蛟宮也。備遠失近。備一失二。將奈何。禁寸板不許下海。其說是矣。顧濱海以海爲田。漁爲命。奪業失產。不盡驅而漁盡驅。而盜矣。將柰何。故後談外險。藉口搜洋。皆武弁矯飾之詞。而商漁不能禁其不去。盜賊不能禁其不來。抑惟是設法變通。增損舊制。審觀治賊與禦倭。今昔異局。船製不同。控扼迥別。當汛以出險爲功。當汛之前汛之後。一意。

以水操爲主。近洋日逐簡練。轟雷在天。金鼓起沸。夫誰不聳影寒心。如台海一區。分爲十五信。合六大鯨。三六九之分番。左右中之更迭。卽亦何嘗不息其勞。習其筋與骨也。而最要者。在嚴買間之令。絕接濟之門。廣烽堠。偵探勤。策應救援。一切新造之船。取其快便。新鑄之器。取其輕圓。且捕舵旋之各熟其技。疑伏誘之互中其機。有備無虞。夫亦可以宴洪波而不震矣。又何必堅壁清野。防賊如防倭哉。

海禁

責成防官議

蔣楚珍

海洋接濟。爲禁極嚴。所以慎軍機而絕盜藪也。海盜。資台新書卷七

無水則死。無米則死。勢不得不因內地漁民爲接濟。所以一犯接濟。梟示無疑。然近年寃濫最多。號呼滿地。蓋因漁船被擄。打票父子兄弟。誠有齎銀救贖者。歸未半月。爲讐告發。武弁貪功。卽訪拏根究。以接濟爲名。誇張。旋老舵老之號。株連船主顧主之人。上臺深知此弊。宛轉求生。然往返解詳。庾死已半。職初到台州。以陳行北等一十三命力爭。面奉憲駁。不敢少回。續蒙本道開豁。死已數人。竊思台區數十萬金錢。養柴于悍卒。縱不能使漁船之不被擄。豈不能使漁民之不能接濟。且瀕海出入有港。非深水港不出。非深水港不入。入者可捍。出者可關。與其求生于旣死之後。何如救死于未出之先。察得稽察漁船出入。舊有一官。因官多不肖。遂行裁革。若使以接濟有無。責成委官。官爲連坐。則酒米且不出洋。何況火藥鐵器。違禁下海之物哉。

弭變救時四款之一

看得海禁之宜。嚴不待一言而決計也。倭之不敢越島嶼窮洋而內犯者。一則海水中高。一則險夷未熟。一則船製窄小。艙多平底。帆多蒲織。油蔬既少。草塞不堅。不遇順風不行。不候陽月不集。非有中國奸人向導。倭未有敢越島嶼窮洋而犯內地者也。今海禁一開。將以規番舶之利也。而適以貽內地之憂。倭來

資治新書
倏。去。出。沒。無。嘗。為。盜。為。商。莫。可。別。識。夫。關。梁。壅。壑。天
之。所。限。人。莫。能。違。樹。限。塞。違。非。徒。防。外。寇。也。亦。以。內
絕。奸。民。之。亡。命。投。荒。負。罪。闖。出。者。若。使。縱。其。交。易。利
與。相。通。則。漏。我。情。以。導。彼。欲。一。二。三。之。牽。連。春。夏。秋
之。剝。涉。益。復。精。其。船。製。習。以。火。器。所。至。無。非。向。導。之
人。所。遊。無。非。熟。識。之。地。此。何。待。扼。我。魚。船。奪。我。舵。斗
做。我。犁。耜。吉。了。驅。我。貧。民。獷。卒。倏。然。登。岸。東。西。奔。逸
而。後。見。其。貽。患。不。測。哉。梟。不。鳴。非。不。鳴。也。豺。不。食。非
不。食。也。絕。之。限。之。多。方。柵。之。鍵。之。而。猶。恐。蟻。潰。針。疎
引。奸。誘。盜。資。器。齋。糧。而。彌。耳。俯。伏。見。華。衣。美。食。而。力
能。制。之。不。為。盜。者。未。之。前。聞。編。號。取。結。給。批。連。坐。痛

絕航海之徒。深嚴出海之禁。庶幾人有畏心。絕其滋
釁。召寇之端耳。

議勦山寇

韶州 洪谷一 諱 人

看得古今治賊之法。有勦與撫二者而已。殲厥渠魁
脅從罔治。此則為首者必誅。而餘黨方貫也。既往不
咎。咸與維新。此則未撫之先。猶准悔禍。既撫之後。再
犯必誅也。今龍門長寧從化增城數縣之山賊。自
國初嘯聚。以至於今。不可謂不久矣。焚寨破圍。捉人
勒贖。不可謂不慘矣。盤踞數縣之地方。結連營寨。以
百十計。不可謂不多矣。屢屢官兵之進。勦公然負固。
不可謂不逆矣。此皆法在必誅。不俟再計者。然旋撲

倘有賄
賊可通
則官府
又不
居何等
矣

旋起旋散旋聚其故有三一在地形之天險也各縣賊窠所在皆深山大澤綿亘數百里層巒疊障險阻可恃兵至則四散奔竄追覓無蹤兵撤則勾黨復聚又行劫掠此其逋誅者一在藏身之巧庇也紅頭白頭等賊皆龍從長寧數縣之民身隸版籍戶納糧稅與竄身山谷亡命嘯聚者不同故在本縣則為耕鑿之民而在他邑則為行劫之賊且其聚族而居者皆為賊黨比閭而處者俱屬賊窩官府有所稽查則同甘結者是賊遞公呈者是賊而其領狀者亦無不是賊縣官幸境內之無事即苟且塞責以回文而違計他邑之人民他邑之廬舍乎此其逋誅者二及賊

首共指矣賊巢搜索矣此則法在必誅無可赦者乃又以招撫二字為護身之符蔡良屢招屢叛之渠魁也今則充為爐頭張龍聚眾行劫之老賊也今亦稱為投順賊首不但不誅反從而受賞賊黨尚何所顧忌而肯革心此其逋誅者三今蒙憲機會勦嚴查叛黨有無已撫復叛職不敢妄為臆對但據本年六七等月象岡司申報地方失事情由皆稱蔡良借爐頭為名聚賊行劫坐地分贓而生員陳五典具控按院亦稱蔡良以開爐納餉為名交結賊首張子龍等行劫翁英地方又某年某月某日三華鎮兵解到活賊林元古通明等審供係賊首張子龍差來行劫等情

業經詳報在案。則蔡張已撫復叛。昭昭在人耳目矣。至若諸賊屯聚之巢。屢據地方。開報及賊黨口供。如龍門則有永清三坑。鴨崗。羊屎坑等處。在從化則有相公崗。十八山。湖塘。耀崗。高爐。合水等處。在長寧則有思茅崗。五花岐。葛蒲。桃崗等處。在清遠則有白花。爐。巴江。新爐。觀音鄉。白水。礮等處。或爲接濟之所。或爲勒贖之窩。所當分別進剿。以靖根株者也。至若賊首著名。屢經地方揭報者。如某某等。或以投順而仍做賊。或陽就撫而陰行劫。所當嚴行搜緝。梟斬以快人心者也。至若官兵從入之路。翁源已備。列情形。而小民受撫之害。英德已畧爲陳籲。此在專閫外之

寄者。確詢地形。當機決策。或先攻其所難。則餘壘自下。或先破其所恃。則賊勢自傾。博採輿情。參以獨斷。所謂兵家之勝算。不可以先傳者也。倘有賊巢當搗。賊黨當誅者。該縣印官猶爲庇護。須責取印結存案。倘班師之後。賊黨復出行劫。則坐以縱賊殃民之罪。庶不致庇本邑之賊。而害他邑之民。其賊首有曾經投順。未有顯叛之跡者。須調之軍前。編入行伍。使離本巢。庶不致陽借投順之名。陰行盜劫之實。而善後之策。庶幾可講矣。夫好生者。上臺之盛心。招撫者。行軍之善道。而職必以勦之。之說進者。蓋誠有見於此。賊之狠心不改。鷹眼猶存。固非撫之一字所能結局。

絕世名
言非陽
明不能
道非谷
一不能
述

者也先儒王文成有言曰盜賊之性雖皆克頑固未嘗不畏誅討惟為之而誅討不及又從而招撫之然後肆無所忌蓋招撫之議但可偶行於無辜而不可常行於長惡可一施於回心向化之徒而不可屢施於隨招隨叛之黨故其撫贛督粵皆以征勦安地方澤流當日聲施至今此禦寇安民之榜樣也不然作賊只有利而無害賊何憚而不為賊良民只有死而無生民亦何苦而復為民卑職日擊難民之慘不禁其言之憤切也伏乞憲臺斧斷而亟行之

鹽法

議絕私販

壽昌 胡海若 諱悉亭 臨清人

竊惟正引之鹽繇于私販之興而私販有二有引中之私有私中之私所謂私中之私其一自塲而水海濱裝載是也其一自舟而陸河灘泊次是也海濱之私止行海鄉河灘泊次之私其行於山鄉者三又兩岐各縣交界邊鄙之所公然接踵摩肩盤山越嶺圍戶販手倩僱無賴之民此往彼來沿門逐巷民至有足不入城市買官鹽者正引安得不壅私販安得不多商安得不告因告扳告退逃亡纍纍也然此猶屬引外者耳至引中之私每包借名餘鹽公然夾帶捕不敢問官不得知折節分簞炤引驗憑住賣起運無課之鹽多納課之鹽少矣今憲法之所行者莫嚴于

捕然而捕無其人也。莫嚴于掣然而掣無其實也。掣無其實既有奸商夾帶之弊。捕無其人則私販公行。即使推名輪點。官明扣其工食。誰復責以鹽筋。勢必至于賣季買季。銀入手。猫鼠同牢。捕既無益。因而議革。議革之後。私販何窮。故欲嚴捕之法。莫如責成於縣。而縣以官引之。鹽不壅。正額之不足。為驗則勢不得不勤。於比較欲嚴掣之法。莫如責成於廳。而廳以陋規之革。不革弊竇之清。不清為據。則勢不得不力。為搜剔。搜剔則夾帶扼于通津。比較則私販窮于小路。如猶慮其私賣。則私買者亦可申之于保甲。如猶慮其私買。則私秤私窩者亦可絕之于牙行。若

是而或有不行。則各縣有均引之法。食鹽與戶口相配。一縣食鹽之引。目與一縣相配。苟分一縣為四鄉。分四鄉戶口多寡。配與應得引目。則引均而引不得壅。外此又有均商之法。山塢僻壤。食私鹽則不出戶庭。食官鹽則動經百里。利生于便。不强所難。住賣商人鋪戶。既均與四鄉。應得引目。則宜因舟車之便。搬運水頭村集。不至道里寫遠。使食鹽買鹽之人。或出數十里之外。則商均而引又不得壅。繇是以本年之引。定為十分。以積年所壅之引。分別帶一二分。壅引亦可漸通。而况本年額數猶有不足者乎。產鹽之地如故。行鹽之地如故。食鹽之人日繁。日費而鹽則行

不逮額此無他各縣以鹽務為末節以察鹽務為虛救舉而不行呼而不應之故也

議吉安食鹽

湖西守憲趙韞退諱進美山東人

食鹽為日用必需吉屬之民貧儉性成以鹽代饌而苦於一粒一珠蓋湖西三郡皆食北鹽吉安獨食南鹽南鹽自粵東運至陸有梅嶺之峻水有十八灘之險負販艱難不得不騰其價查吉屬各縣或近臨之峽江或近袁之分宜或近撫之樂安諸邑水陸兼通道路叢雜營兵船隻往來未有不捆載而至者雖私販有禁而稽察實難以北鹽而邀南鹽之價是所利在兵而所困獨在民也合無從長酌議軫念湖西三

郡原屬一體題請吉安九縣改食淮鹽若虛廣東鹽課有缺即以所缺之額增於兩淮是於國課無損毫末而吉屬黎民以口計之則歲省金錢數萬矣所省之金錢即勾上完公賦豈非公私兩利之道哉

詞訟

清理積案

杭州守李紀子湘諱文安人

為大獄之積案宜結各屬之責守宜均懇立成規以免違悞事浙省訟獄繁多除大辟以下者弗論如人命強盜諸重情其間屢駁而未題及已題而未允者常有數百件司府縣獄所繫者不下千餘人職為刑官七載經于訊問者亦難更僕數矣每於披卷沉吟

以斷事
之盡
手焉
世之
提心
得不
胸盡
致

之際未嘗不惻然動念而歎應死者固多不應死而死者亦不少也考其犯罪之時多則七八年少則四五年不等其間承問之官由院司而至府廳不知歷幾十輩矣案日久則情日變情日變則招日更往重犯未正典刑而干證被害反拖累致死者質證無口則展辯得以自由問官屢更即口供亦難畫一令判斷者何從下手且因獄少犯衆穢氣薰蒸釀成瘟疫瘦斃甚多即係真盜真兇不令死於法而死於獄亦失明刑慎獄之初意况多疑似而可矜者乎其所以歷年既久而不結者良亦有故蓋以從來大獄必待題允之日方是結案之時各憲以重獄繁多不能

此段隱
衷從
經人道
破足創
論又是
真情

一題而盡每疏不過二三十起餘盡駁司覆審以俟再題司為承上接下之官勢必轉批府廳府廳或因事從懸起又必行縣覆查根據具轉請留欲其不致經年累月不可得也其間且有于證事主累斃質證無人不能定案者有因年遠勢殊前官所審之口供與後官不對不能成招者又有證佐被害拖累日久精疲力竭止求免禍不願復讐自改其口反為重囚出脫者種種情弊皆是羈延時日之由沉擱憲案之故若非究根尋源立法更始則新舊相因大案焉得有清楚之時而囹圄狂狴焉得有空虛之日乎更有請者從來十一府之大案勢必盡歸本司而大案中

情至之
文自饒
生趣

有名重犯亦必隨招禁於司獄房舍有數而人犯無
寡每入其中見此輩林林濟濟如蜂如蟻覺世間囚
犯多而人少殊不知為各府各縣之重囚非一州
一邑之罪犯也查各省通例某府盜情人命必責本
處道府廳縣訊鞫成招人犯即監本府或有招情未
協亦必在初審兩月之內駁訊明確其時賊證現在
詞內之人一呼可集不特真偽易分亦且不費時日
只將解府解廳解司解院途間奔走之日期便可歸
結此案況有差役拘提吏胥捺攔有呼不應欲審無
由之歲月乎直待大案將定始駁本司衙門一加平
反定案之後仍將本犯發回本處監禁招情若無疑

竇即准具題若是即有疑難重獄未嘗不於一年之
內定擬發落者也豈有延至數年之後而尚煩此駁
者乎以數年後之批駁而欲責承問之吏必得數年
以前之確情實非易事雖曰不寬吾不信也夫乞憲
臺俯採末論著為成規並將已前未結諸大獄刻日
會同司道府廳逐案研核務求明允不致以後再駁
蕭清既往始可整頓將來此甲職仰體憲臺慎獄祥
刑之至意而從長計畫以求無弊者也伏望採擇施
行

慎初招嚴覆審

衢州 孫沂水 諱 常 熟 人

為讞決關係匪輕謹陳膚見慎初情慎覆審以仰佐

明允事照得易無留獄。明慎爲先。書著祥刑。簡孚乃聽。惟一成而不可變。故三刺以斷民中。誠有之也。查律載大辟二百四十一條。罷民易犯者。無如盜賊人命。竊見爰書中人命以下手不真。致滋辯竇。或數人毆一人。輒藉在逃者互相委卸。究竟有脫抵之原。究矣。盜賊以賊物未酌。致礙成招。或一案掛多人。輒固無主者。更肆罔誣。展轉多橫生之藤蔓矣。凡此總繇初情之茫昧耳。夫初情何在。則人犯甫到官。造次之頃。安排不及三尺。隨之尙爾。知畏察詞於差。庶得其真。若一繫囹圄。狡智百出。淹延日久。變態日生。甚至後讞與前讞絕不相蒙。雖欲爲五聲之聽。其可得乎。

竊以爲人命初報時。卽審定某係下手。某係加功。某係餘人。某係見證。或手足。或器。一一確註錄詳中。不得空請簡驗也。強盜初獲時。卽迅起贓物。幾件令失主認明。某人盜某家。現獲某贓。經某失主認領。一一確註錄詳中。不得空列姓名也。初申有據。則歷訊難移。此後之紛吹永息矣。至駁審一節。上臺原爲死生嚴出入也。乃問官不免泄泄。一經批駁。沉擱多年。設皆重辟。卽殞死無辭。乃一招之中。有徒有杖。以正犯未結。每致餘犯監斃。于和孰甚。卽令保候。而數數勾提。頻頻解審。其磨累已徹骨矣。職以爲駁問招詳。宜鞫問刻期審結。如情節罪犯。應配應杖。鞫問允孚。

果與正犯無關者。先行摘發。其大辟不妨另招報奪。庶分輕重之衡。以明上下之服。株連可省。所全者不既多乎。蓋謹於始則疑獄不生。斷於終則滯獄一洗。是亦弊訟之大端也。伏祈憲諭申飭。俾各屬一體奉行。將究濫清而貫索無非恩造矣。

詳免提解

韶州洪谷一諱縣人

人命搶劫錢債田產虛辭聳聽者甚多。應該本處有司審究明白。今省下人告欠債搶餉人命強盜。皆因本處有司不如其意。越訴于上。提解牌內人犯定四五十名。稍遲差官催提釜魚。凡肉民未至省。已傾家破產。逃亡大半矣。至省隔別人犯私禁拷打。倒提年

月。勒欠帖寫服辨。方許帶到。及堂官會審。卽執欠帖服辨爲據。監追認罪無辭。家屬解斃者。監斃者逃亡者。株累傾家者。無所告訴。亦甚冤矣。且粵地民猥雜處。倚山靠崗。喜則爲人怒。則爲獸。最難勾攝。一聞提解。如置死地。雖論以上人德意。彼皆視爲讐仇。急而走險。率入盜穴。提解催追。比差比保。喚里呼隣。騷擾地方。雞犬不寧。况粵烟瘴地面。提解人犯。愁苦內傷。寒熱外感。飢飽不時。動犯瘴癘。中途病故。不可勝數。伏乞批行司道酌議。凡奉藩院批詞轉發本處。有司審究詳啟。批奪盡免提解。至各府詞狀。不批隔府。行該府有司就近審結。如有重情。嚴審摘解。緊犯三

資治新書
四名不必多拘。庶解累少。謬民寃得伸。而無株連騷擾之患矣。

里役

決允役以甦里甲

達州刺史毛南薰南鄭人

里甲花費。雖云一年之勞。博九年之逸。其實積九年之苦。為一年之勞也。如出卯有卯錢。出限有限錢。保家有歇錢。總催有工食錢。比較有費。收櫃有費。貼解有費。做官工備料有費。諸費不可枚舉。官府付之無可奈何。然就中如解京解司。解府解軍前。解本邑鋪墊水脚等項。誠有不能裁減者。役鬼無方。黠金少術。至如衙役需索。總催工食。一切卯限收頭之類。種種

可革。原其所自。皆因一州冗書。以數百計。冗役以數百計。掛落以數百計。此輩既無工食。又無詞狀。排差攘攘。何為非餐風吸露之蟬。則飛翼食人之豺。與虎也。若使官無冗役。自然民無冗費。一番里甲。不至傾家廢產。窮人人樂為。自無包當攬納。既無包當攬納。則錢糧清楚。亦無積逋不完之受累矣。

荒政

救荒三十策之七

屠赤水

諱寧波人

一曰行官糴之法。以資轉運。夫境內災傷。野無青草。將議賑濟。則恐官府之困廩有限。議勸借。則恐地方之殷戶無多。最善之策。則有官糴一法。官發帑銀。若

此法妙
絕如人
慚之茫
水何憂
匱乏

于轉糶於各省外郡豐熟之處歸而減價平糶於民
委用老成員役分頭往糶每發官銀一千兩先糶五
百兩至而糶與饑民卽發後五百兩往糶先五百兩
糶完而後五百兩繼至後五百兩將盡而先五百兩
復來如此轉運無窮循環不已則百姓雖丁凶歲實
與豐年無異積穀之家雖希踊貴而官府平糶之糧
日日在市彼卽欲獨高其價勢有不能漸近有秋閉
藏無用則亦不得不平價而出糶矣如他處米穀不
足則雜買荳粟蕎麥蕎蕨粉芝蕨之類並足充饑
民恃無恐况豐熟而還帑官銀不虧那移以逸民
饑獲濟若委用得人必無他虞卽勸富民自以已資

來往糶糶彼必樂從較勸輸財助賑爲何如也若開
近州郡無豐熟之處不妨稍遠所貴見災而懼先事
預圖惟出糶之時須設法禁約糶者必係真正饑民
人不許過三石毋爲商牙揭販者所欺尤當嚴戡胥
吏誅求役人勸勸此不能禁事尾解矣

一曰勸富戶之賑以廣相生夫富者珍寶豐盈一身
而外長物耳倉箱充溢一飽而外何加焉卽令百姓
垂斃而吾安享饒腴萬一民窮盜起戈矛相向雖有
粟吾得而食諸而富者雖有所積未關軀命饑者稍
得所濟實延餘生以吾未關軀命之糧而爲彼實延
餘生之助府官敬之百姓感之而又有陰德何苦不

爲又須懸賞格以勸民。頒科條以鼓衆。或量其所捐而優以禮貌。風以折節。獎以旌扁。榮以冠帶。富民之所最欲得者。給以印信一帖。除重情而外。預免其罪。責一次。令得執以爲信。彼見吾之中心。款誠調停。詳妥好義者。必爭先貪。佞者亦勉應矣。但惟宜行勸誘。聽其自願。不宜妄行科派。強以不堪。其最要者在有司。先自捐俸。夫有司之儻。幾何足以賑卹百姓。然而假以鼓舞。倡率使士民無儻者。則在此也。

一曰詳村落之賑。以遍窮簷。夫顛連無告之民。城市尙少。村落爲多。有司之行賑濟。往往彌縫於城市。而疎隲於鄉村。城市之中。饑戶稍有賑濟。以爲觀美。而

不知窮鄉僻野之間。橫於道路。填於坑谷者。不知其幾何也。多方撫循。加意周徧。無遠無近。皆吾赤子。近處則正官親臨。遼遠則委用廉幹。而詳於防範。嚴於稽察。使無不均之嘆可也。

一曰行食粥之法。以濟權宜。食粥之法。爲極貧者。雖得升合之糧。不便炊爨。日煮粥以餉之。賴以全活。顧所最忌者。羣百千人而聚食。一處遠涉者。不及食粥。而或以道斃。羣聚則穢熱蒸染。而易以生災。甚而管粥者。尅米而多。機以水給食。而不惟其時。欲以救民之生。反以速民之殞。須慎選員役。必躬親考覈。峻加罰治。斯役人不敢作奸。悉遵法令。逐鄉而煮。分畝而

有救民
而無術
適以害
之者此
類是也

又有謂賑粥散米皆不

如給錢者以散

米有弊而散錢無弊也亦是一法

食者必以潔食必以時如古者按時刻照人數執旗引隊羣而不亂此法可行也要之愚意煮粥終不如給糧零散終不如頓散耳

一曰戒抑價之令以來商糶夫民情之趨如水之流順而導之則通壅而遏之則決荒年穀貴民誠不堪有司不忍穀價日高以病小民乃今抑減時價定為平糶此令一出則他處之與販者畏沮而不來本境之有穀者閉糶而不出民食愈乏人情益慌強則有劫掠弱則有饑死而已故貴設法調停令穀價聽時低昂不强抑減而出官銀以行運糶郵商價以來與販請皇恩以開賑濟懸賞格以勸富民悉力調停漸

近食新則穀價不減而自減矣

一口申保甲之令以遏盜賊饑荒之時盜賊易起喘息餘命斷不能大譟橫行不過為鼠狗之計以苟旦夕蟬蛸之生姑息而不為之撲滅則燎原可憂輒用重典而悉置之法則饑寒可憫防戢而底定之烏可無術哉但獲饑盜為之大張其威聲稍寬其捶楚待以不死號令於市以令喧傳當自解散

一曰省荒後之畊以給將來大饑之後不惟民食艱乏即畊種亦苦無本具吾為省視耕種無食者量濟之無農具者量區處而給之或勸富戶借食借具於貧民而令貧者為之出力畊種以補之或待收成而

以糧食積之有司須於畊種之時暫輟政事親歷各鄉補助勸率百姓見上入留意農務有如此自然勤奮境無惰農農無荒業矣省畊省斂古人所行今何廢也

民風

禁溺女典婦議

稽爾遐

天地以好生為德婦道宜從一而終嚴有溺女之俗無論貧富皆然天虎毒且不食子况於人乎矧此呱呱而泣者甫肇生機旋羅死法是可忍也孰不可忍至於貧兒乏食則出典其婦婦若生子子屬彼而婦仍歸此蓋以婦為本而子為利也甚至甲典之乙乙

復典之丙一婦而展轉數人以夫家為傳舍及其碎壁歸趙亦恬然不以為耻職目擊情真痛心疾首請憲通行六縣勒石嚴禁如敢故犯許里隣首發治以重罪一以順天地之和一以正人道之始憲臺主持風教職故因條議而並及之

禁役保兼充議

保歇為全浙通病其勢不能盡除而與保歇為狼狽者則衙役也衙役婪財必通保歇為線保歇執法非申衙役不行是其氣類相親故其技倆亦互熟徃徃衙役革退即竄當保歇保歇事敗並鑽充衙役而公私之弊實悉由若輩叢生乃嚴屬更有自為吏胥詭

捏子弟家人名色公然並充保歇者既借衙門為狡窟復倚歇家為外符罔上行私何所不至亟宜請憲查革尤在冬至前新里止卯諸歇領單催糧之日取各里甲並各衙門具揭申報並嚴禁衙役革退不許出為保歇保歇事敗不許入為衙役永著為令在官之弊既清即害及民者不甚烈矣

清嚴主僕

金長真

為敬陳汝南利弊第九款事案查順治十五年十一月內光山叛僕訛傳奉旨放僕糾聚黨類挾刀操戈逼主退約延至商國等

此風更職于江南名為

縣羣起效尤猖狂之勢幾同倡亂職適以丈地之役

仰鼻四三項帶語呼奴為鼻故也豈因世界滄桑而網常名分亦因之而鼎革耶世風之衰莫衰于此以勢交者勢盡


親詣光山立將發難奸民嚴懲枷示旋蒙各憲發示禁飭叛風始戢今王明玉李從等累經駁謝俱寘重典羣小之心胥已懼服但致叛有由責防其斯欲以懲前毖後端在坂本塞源安全之道所宜亟籌也其一為投獻之僕仕宦之家僮僕成林自多價買否則為其祖父遺留會配妻室豢養日久主僕之分亦自昭然迺有奸猾之徒倚附聲勢委身投獻主人不察遂爾收留然究其投獻之由或為訟事求勝而欲人畏我上風或恐故主追求而使其不敢過問或緣奸盜犯科而恃為護身之符或苦地糧重累而藉為影射之地欺詐種種主不能知一旦勢敗主為贅疣事

而交絕
掉臂之
端即依
半仗難
之日人
若知之
覺耳
既名女
得則非
奴僕
比焉察
置辨

變相乘不難掉臂以去此其所由致叛者一也其一
為強占之奸汝屬有等土豪蠹惡或結黨援或憑城
社武斷鄉曲凌轍無知收納衣食無依之輩誘致連
亾失業之人一入其家如投陷阱即育有子女每當
婚嫁大則奪其聘財小亦受其勸賀間有不堪其苦
逃之他所則必構黨作冲捏成賣券鳴之官司驗其
契証有據亦莫能辨迨至斷歸原主而勢愈鴟張心
愈狠戾終無脫身之日矣此其所由致叛者二也其
一為僱工之僕汝俗有所謂年限女婿者原屬僱工
配以婢女議有年限為之力作俟限滿即聽歸宗原
與奴僕不同奈往往工役已滿仍行羈縻乃或挈婦

言歸輒指為逃僕輾轉興訟至妻子盡鬻子然一身
而訟猶不止其情何堪此其所由致叛者三也其一
為佃田之僕夫佃戶領田輸租又與僱工不同乃汝
俗亦多稱為佃僕肆行役使過索租課甚有呼其婦
女至家服役佃戶不敢不從者且有佃戶死亾欺其
本宗無人遂嫁賣其妻若子併收其家貲占以為利
者更有一等親屬佃田查諸律例云佃戶見佃主並
行以少事長之禮若親屬則不拘主佃止行親屬禮
是親屬主佃又與佃戶不同令甲昭然况可以奴隸
畜之紊亂倫常乎此其所由致叛者四也蓋投獻由
於趨勢自易離心強占出於畏威尤易解體雖前經

奉
卷之九



旨禁飭猶恐未盡恪遵若僱工佃戶原為力役之人豈同臧獲之輩槩行凌虐大非人情職以為役使奴僕惟有價買一着人自僥首傾心願為終身執役即有愚頑不率主教出其賣契治以官法彼自帖然豈復有噪集多人恣睢扞法者哉伏乞憲臺睿鑒嚴行禁飭無論紳衿庶民此後居買奴僕者將文契即赴該州縣用印存照併將順治元年以來各家買僕文契俱赴該州縣給與印照



